

5

HARVARD COLLEGE LIBRARY  
FROM THE  
HARVARD-YENCHING  
INSTITUTE

AUG 30 1929

~~Ch L~~ 9299.424 T

~~Ch L 9301.424~~



山堂肆考地理第十六卷

○山

哈佛大學  
圖書館  
珍藏印

楊文易卦序。險而止。山也。險而動。山也。動靜皆蒙  
險。故曰山。春秋說題辭。山之為言。宣也。含澤布氣  
調百神也。郭熙曰。春山淡冶如笑。夏山蒼翠如滴。  
秋山明淨如粧。冬山慘淡如睡。華氏耳目心海山  
微茫而隱見。江山嚴厲而峭卓。溪山窈窕而幽深。  
塞山童顛而堆阜。王涯仙掌辯論山形。曰。銳而出  
者為虎牙。尖而背者為熊耳。角而獸者為牛首。冠  
而峭者為雞頭。

獸音據

龍蟠



鍾山舊名金陵山。在建康北。諸葛亮嘗曰：鍾山龍蟠，石城虎踞，真帝王之宅也。漢末秣陵尉蔣子文與賊戰亡於此。吳大帝為立蔣公祠。又以帝祖諱鍾，因改山曰蔣山。晉元帝渡江，望氣者云：山有紫氣，又改曰紫金。

狼踞

通州城南十八里，臨大江為狼山。或謂以形似狼，或謂白狼嘗踞其上。後以泗州佛法厭去之，東為刀刀山，一名劍跡山。相傳秦始皇於此磨劍，又東為軍山，或曰越王嘗軍於此。西為塔山，與狼山相接，其上有塔。又西為馬鞍山，以形似馬鞍也。五山相連屬，而狼山為最奇。

鹿起

舒城縣東南鹿起山，昔有僧過此，一鹿自山出，僧即其地以化。

馬當

馬當山在九江府彭澤縣東北，橫枕大江。山象馬形，故名。陸魯望銘：天下之險者，在山曰太行，在水曰吕梁，合二險而為一，吾又聞乎馬當。

鳳鳴

岐山在鳳翔府岐山縣東北，山有兩岐，故名。亦曰天柱山。周太王邑於岐山之下，文王時鳳凰鳴於岐山，即此。

鳥吊

鳳羽山在雲南大理府浪穹縣西南，相傳蒙氏細奴邏興



山志卷之六  
時有鳳翔於此。故名鳳羽。後鳳歿。每歲冬。衆鳥哀弔其上。故又名鳥弔。

羊飛

羊飛山在夔州府萬縣西南。昔有人學道於此。嘗養一羊。忽一日戒童子云。勿放羊。童子放之。一年冲天而去。

猿啼

猿啼山在長沙府瀏陽縣治南。唐裴休讀書於此。時聞猿啼。

鳳凰

鳳凰山在鳳陽府壽州東北。府在鳳凰山之陽。故名鳳陽。府山有淮南王安賓客之遺跡。昔有人獲小金牌。可以療

病。疑為丹砂所化。周世宗破南唐。軍於紫金山。即此。杭州青波門東南。亦有此山。下俯大江。山勢若鳳凰欲飛之狀。又有石如片雲。拔地高數丈。亦奇峰也。將至顛。有一竅尺餘。名月巖。惟中秋月穿竅而出。十四十六日。則外此竅矣。一郡王氣。皆藉此山。

鸚鵡

外夷瓜哇國有鸚鵡山。蘄州城中有麒麟山。金陵西與馬鞍山相接。有獅子山。俱以形相似得名。晉元帝初渡江。見獅子山綿延不斷。以擬北地盧龍。又易名盧龍山。

烏鼠

括地志。烏鼠山。今名青雀山。在渭州渭源縣西。爾雅。烏鼠



餘音全  
同穴其鳥為餘其鼠為鼯注云鼯如人家鼠而短尾餘似  
鷄音獨鷄而小黃黑色穴入地三四尺鼠在內鳥在外今在隴西  
首陽縣鳥鼠同穴山中孔氏尚書傳曰共為雉嶋

龍虎

龍虎山在廣信府貴溪縣兩石對峙如龍昂虎踞乃三十  
一福地漢張道陵脩煉之所今張天師世襲真人居之

牛渚

牛渚山在當塗縣西北近采石磯亦名燃犀浦世傳下多  
怪物即晉溫嶠燃犀處

嶠音喬

虎丘

虎丘山在蘇州府長洲縣西北平田中有小丘越絕書吳

王闔閭葬此用黃金珠玉扁諸之劍魚腸之干以殉越三  
日白精結為白虎踞其上唐避諱改名武丘顏真卿書虎  
丘劍池石刻四字池之前有平石曰千人坐蓋神僧竺道  
生講經處唐李陽冰篆生公講經臺分刻二石臺側有點  
頭石石上有可中亭左右白蓮池陳顧野王序高不扞雲  
深無巖景卑非培塿淺異疎林路若絕而復通石將斷而  
更綴抑巨麗之名山大吳之勝壤也

鷺湖

鷺湖山在鉛山縣北山上有湖生荷舊名荷湖山後有人  
龔氏嘗畜鷺於此故又名鷺湖唐王駕詩鷺湖山下稻梁  
肥即此



鴈蕩

温州鴈蕩山記。予觀鴈蕩諸峰。皆峭拔險怪。上聳千尺。穹崖巨谷。不類他山。皆包在諸谷中。自領外望之。都無所見。至谷中。則森然干霄。原其理。當是谷中大水衝激。沙土盡去。惟巨石巋然挺立耳。又荊州記。楚有景山。凡鴈南翔北歸。偏經其上。謂之鴈塞山。

馬陵

馬陵山。在交州郟城。即古琅瑯山也。一在宿遷縣北。

雞澤

雞澤山。在北直隸廣平府雞澤縣境。杜預云。在廣平曲梁西南。

龍壁

廣西柳州府有龍壁山。宋陶弼詩。曲讀柳侯山水記。信知龍壁好煙霞。

驢泉

驢泉山。在德安府隨州城北。此山石潤。牛馬經過。貪其泉甘不肯去。土人有牛馬解逸。即往此山尋之。

雞籠

雞籠山。在金陵覆舟山之西。後臨玄武湖。元嘉中立儒館於北郊。命雷次宗居之。次宗因開館於山。齊高帝嘗就次宗受禮。及左氏春秋。

鳥帶



山堂集卷之六  
會稽記諸暨縣有烏帶山。其上多紫石。居士謝敷少時經始諸山。功費千計。生業將盡。後夢此境。夢山神語之曰。當以五十萬相助。旦見主人牀下有異色石。試取磨拭之。乃紫石也。因問所從來。云出此山。遂往掘之。得利不訾。

### 鹿門

鹿門山在襄陽府東南。漢龐德公唐龐蘊孟浩然皮日休俱隱於此。又江西豐城縣南有龍門山。傍有龍湫。西北與道人山相接。相傳馬禪師駐錫於此。寧波定海縣有蛟門山。出此。即大海洋。古人稱蛟門虎蹲。天設之險。即此地也。

### 燕巖

太原府壽陽西山多蟄燕。因以名山曰燕巖。

### 牛頭

牛頭山在江寧縣南。狀如牛頭。晉元帝渡江。草創欲立石闕於宮門未定。王導隨駕出宣陽門。乃遙指山南峰為天闕。中宗從之。梁武帝建寺於石窟下。名仙窟。又有文殊辟支二洞。白龜虎跑二泉。後有昭明飲馬池。自山徑中起數百級。古杉蒼檜行列。上有佛宮。曰弘覺寺。寺有浮圖二。殿闕廊宇依山結構。望之如畫屏。北與獻花巖祖堂山相連。佛經所謂江表牛頭是也。宋大明中。立郊壇於山之南峰。岳飛設伏牛頭。以邀兀木。即此。

### 熊耳

熊耳山在河南盧氏縣西南。兩山相竝如熊耳。禹貢所謂



山堂集卷之六  
導洛自熊耳卽此。又宜陽縣亦有熊耳山。史記漢光武破赤眉積甲宜陽城與熊耳山齊。是也。陝州東亦有此山。乃達摩葬處。其塔尚存。

墓願

墓願山。在眉州城東。自象耳山連峰壁立。西瞰玻璃江。磅礴踳踳。形類墓願。故名。山腹有穴曰龍洞。唐末有楊太虛。爾朱先生得道於此。眉州故事。人日出東郊渡玻璃。遊墓願。卽此山也。東坡有詩。

龜首

閩音趣  
龜首山。在蘇州府為洞庭西山之支嶺。其麓有石。闖出如龜首。因名。山產石。有天然玲瓏者為花石。雕琢擊之有金

玉聲。有色白而溫潤者為玉石。堪為玩器。有胎班而光澤者可製硯。

象鼻

桂林府有象鼻山。在訾家洲之西。突起水濱。形狀類象。故名。下有水月洞。孔鏞詩。象鼻分明飲玉河。西風一吸水應多。青山自是多奇骨。白日相看不厭多。

虎牙

荊州府城南。大江北岸與荆門山相對。有虎牙山。昔公孫述遣將依二山作浮橋。拒漢師。陝西延安府神木縣有龍眼山。

鷹嘴



鷹嘴山。在廣德州南山絕頂。一石卓立。高十餘丈。如鷹嘴。有深窟。可容百餘人。

雞頭

雞頭山。在平涼府崆峒山之西。以形似名。史記黃帝西至。于崆峒。登雞頭山。秦始皇二十七年辛巳。巡隴西北地。至雞頭山。過回中。即此。銅陵縣北有鵲頭山。其形高聳。宛若鵲頭。

羊腸

羊腸山。在山西太原府交城縣東北。郡國志萬根谷石磴。縈委若羊腸。然後魏于此。立羊腸倉。

狗脊

狗脊山。在開封府中牟縣治後。上產麻黃。

委羽

委羽山。在黃巖縣。昔劉奉林控鶴墜翮。因名山為委羽。

落翮

山海經。大翮山。小翮山。有王仲廟。仲字次仲。秦始皇時。變蒼頡舊文。為今隸書。帝使使徵之。不至。始皇大怒。檻車迫之。次仲化為大鳥。出于車外。翮然高翔。至於西門山。落二翮。因名鳥翮山。今山在北直隸隆慶州城北。

釣魚

砥音音。釣魚山。在重慶府合州之東。山南大石砥平。有巨人跡。相傳異人坐其上。投釣于江。因名。宋理宗時。余玠用播州人。



建音津冉璉及弟璞之謀城釣魚山則蜀可守即此。

繫馬

繫馬山在登州府寧海州東世傳秦始皇遊此攬草繫馬至今草生若繫結之狀。

凍雀

大同府城東北有紇真山紇真胡語猶華言千里也其山冬夏積雪故諺曰紇真山頭凍殺雀何不飛去生處樂。

棲鷹

成都府茂州北有鷹門山以山多棲鷹故名。

鬪雞

桂林志鬪雞山在雉山之東兩山相向在江左右如鬪雞

然巧石如雞欲鬪時昂冠相距水東西紅羅纏頸何曾見老殺青山不敢啼。

發鳩

山海經發鳩之山有鳥狀如鳥首白喙赤名曰精衛炎帝女遊東海溺而不還化為此鳥嘗銜西山木石以填東海山在上黨長子縣。

休牛

博物志桃林在湖城縣休牛之山有石焉曰帝臺之棋也五色而文狀如雞卵。

去虎

去虎山在蕭山縣北山有猛虎傷人一夕負子渡江而去



宋令尹社守一。因名其山曰去虎。

果老跨<sub>虛</sub>驢

山西平陽府蒲州東有中條山。跨平陸芮城安邑夏縣解州之境。乃張果老跨白驢之處。

初平牧羊

神仙傳黃初平年十五。家使牧羊。有道士見其良謹。將至金華山。居石室中四十餘年。不念其家。兄初起行索。初平過道士引至山。與弟語。語畢。問羊何在。平與兄往。至上東見白石。平因叱之。石起成羊數萬頭。又劉向列仙傳。周成王時。葛由嘗騎木羊。上中嶽山。山有葛仙洞。又名綏山。諺云。得綏山一桃。雖不得仙。亦足以豪。此山與小嶽大嶽山相連。是為三嶽。

琴高控鯉

琴高山。在涇縣東。相傳為琴高控鯉上昇之所。

令威化鶴

遼東都司城東有莖表山。昔人丁令威化鶴于此。故名。

黃鶴

黃鶴山。在湖廣武昌府西南。昔仙人子安乘黃鶴過此。故名。上有黃鶴樓。唐崔顥詩。昔人已乘黃鶴去。此地空餘黃鶴樓。黃鶴一去不復返。白雲千載空悠悠。晴川歷歷漢陽樹。芳草萋萋鸚鵡洲。日暮鄉關何處是。煙波江上使人愁。又岳州府城南有白鶴山。昔有江叟嘗遇樵夫。遺以鐵笛。



吹之無聲。一日登此山。吹于紫荆臺。響震林木。忽有兩女出授神藥。云服此當為水仙。女子益龍女也。臨海記。郡西亦有白鶴山。

碧雞

碧雞山。在雲南府西南。東瞰滇澤。蒼崖萬丈。綠水千尋。月印澄波。雲橫絕頂。雲南一佳景也。漢宣帝時。方士言益州有金馬碧雞。可祭而致。遣之王褒。往祀。至蜀而卒。顏師古曰。金形如馬。碧形似雞。集賢堂。其神祠在益州金馬坊。金馬山在府城東。西對碧雞山。中隔滇池。山不甚高。而綿亘西南數十里。上有長亭。下有金馬關。

黃牛

黃牛山。在荊州府夷陵州西。卽黃牛峽。峭壁間有石如人負力牽牛狀。人黑牛黃。

白馬

白馬山。在處州宣平縣西。山有瀑布泉。石室中有巨石屹立。擊之鏗然。相傳葉法喜嘗棲于此。

烏峽

烏峽山。在廣西梧州府岑溪城西。壁立萬仞。乃本縣之門戶也。

黃陵

黃陵山。在湘陰縣。舜二妃廟在焉。

絳巖



山堂集考  
絳巖山在句容縣西南一名赭山。上有龍穴祠壇。寰宇記本名赤山。唐天寶中改為絳巖。一名丹山。丹陽之義起于此。

赤壁

赤壁山在武昌府東南樊口之上。江之南岸。卽周瑜破曹操處。東坡之遊自在黃州。晁補之曰。因其賦中有而今安在之言。遂誤為破曹之地。以致後人紛紛辯論。皆起于此。

玄扈

玄扈山在西安府商州洛南縣。黃帝時鳳銜圖至此。帝拜受之。

綠林

綠林山在荊州府當陽縣東南。王莽末。馬武王常等藏此山中。數月間。致有七八千人。卽此。

藍田

地理志。藍田山在西安府藍田縣東南。山出玉英。故名。四皓避秦。逃入此山。

青城

青城山在成都府灌縣西南。山有丈人峰。故今岳父為青城。以此。又有七十二小洞。應七十二候。八大洞。應八節。道書為第五洞天。乃神仙都會之處。唐杜光庭有記。又天台縣有赤城山。上有赤色如雲霞。望之如雉堞。故曰赤城。李白詩。門標赤城霞。樓觀滄海月。又太平府東南有青墩山。



齊宣城太守謝朓築室于此山之南。一名謝公山。

白苧

宣城圖經。白苧山本名楚山。晉桓溫嘗領妓遊此山。奏樂好為白苧歌。因改名焉。

綠蘿

綠蘿山在常德府桃源縣。乃四十一福地也。

紫帽

紫帽山在泉州府西南。常有紫雲覆其巔。唐時泉人客洛陽。邂逅一羽衣。寄書紫帽山隱者。其人既歸。授書于隱者。隱者遺以米半升。其人還家視之。乃金粟也。宋徽宗御書金粟之洞四字。刻石在焉。

翠簾

翠簾山在延平府將樂縣南。蒼翠高聳。如垂簾狀。

白帝

白帝山在夔州府城東。公孫述據蜀。殿前井中。嘗有白龍出。因自稱白帝。更號魚復縣。城曰白帝城。

烏巖

烏巖山在柳州府柳城縣東南。山高聳臨江。下有潭。

白星

白星山在廣東韶州仁化縣西。唐武德中有星墜山頂。光如曳練。故名。

紫雲



紫雲山在嘉興府海鹽縣西南。相傳唐建中間有村女出耕。雲嘗覆其上。河南府鞏縣有黑雲山。昔成湯于此禱雨。忽起黑雲。天降大雨。

### 赤甲

赤甲山在夔州府。其山高大。不生草木。人望之如袒臂。故謂之赤甲。杜詩卜居赤甲。遷居新。兩見巫山楚水春。

### 青眉

青眉山在陝西延安府延安縣西北。後魏時有吐蕃青眉族居此。又江西瑞昌縣有赤顏山。赤松子遊處。象州有白面山。石壁屹立。橫截大江。中多白石。故名。又常熟縣虞山一名烏目。

### 可藍

可藍山在平涼府城西南。赫連據平涼。曾屯兵于此。寰宇記赫連定敗于涼州。登可藍山。望統萬城。泣曰。先帝若以朕承大業。豈有今日。俄有羣狐鳴于定旁。命射之。竟不得。乃嘆曰。此亦怪事也。

### 點蒼

點蒼山在雲南大理府城西。高千餘仞。有峯十九。蒼翠如畫。盤亘三百餘里。山頭有高河泉。深不可測。又有瀑布諸泉。流注為錦浪等十八川。元高昌雅詩。水繞青山。一繞城。由來人傑地靈。靈水光萬頃。開天鏡。山色四時環翠屏。

### 長白



山東濟南府長山縣西南有長白山。又名會僊山。山有峰。孤秀盤鬱。獨壓衆山。乃太山之副岳。繡江源發于此。山高二千九百丈。周六十里。雲雨長白故名。上有醴泉寺。卽范仲淹讀書處。遼東三萬衛亦有此山。橫亘千里。有潭周回八十里。南流為鴨綠江。北流為混同江。又金國志亦有長白山。為白衣觀音所居。其山禽獸皆白。黑水發源于此。

### 大黑

大黑山。在遼東都司所領金州衛東。絕頂有城。四面懸絕。惟西向一路可通。其中有井。昔人多避兵于此。

### 江郎

江郎山。三峯之上。各有一巨石。昔山下民兄弟三人化于

此。晉永嘉之亂。有湛滿者。亦居山側。有一子仕宦不得歸。禱于三石。旬中湛子出洛水。見三少年使閉目入車中。恍然不知所之。良父乃至家。山在衢州府江山縣南。山頂有池。產碧蓮金鯉。

### 程侯

程侯山。在山西忻州。程嬰匿趙孤于此。

### 羅秀

羅秀山。在南寧府城北。昔人羅秀。於此升僊。宋陶弼詩。尋山入羅秀。旋結草堂居。花露生瓶水。松風落架書。聞猿得句後。見月出行初。此夕雲林下。無因夢使車。

### 陳音



會稽記昔有善射者曰陳音越王使簡士卒習射於郊外  
必因葬焉塚壁悉畫騎射之象因以名山為陳音

### 壺公

福建興化府城南有壺公山山有五奇昔人有遇老翁於  
此忽見宮闕似非人間翁云此壺中日月也後人因名壺  
公唐翁承贊壺公山詩秋高巖溜白日出海波紅搜神秘  
覽興化識云壺公山若斷莆田朱紫半水遠壺公山此時  
方好看蔡君謨以引水遠壺公山登第從此在朝朱紫半  
矣

### 冶父

冶父山在廬州府廬江縣東北濡須志舊有人冶鑄於此

故名自麓至巔幾五百里有三百六十四子山羅列在下  
山比衆山獨尊故曰父

### 霍童

霍童山在福寧州寧德縣北神仙霍童所居洞天記所謂  
霍林洞天是也

### 黎母

黎母山在廣東瓊州府定安縣南山下諸蠻環居號黎人  
供賦役者為生黎耕省地者為熟黎宋徽宗時建鎮州於  
黎母即此山有五峯又名五指山屹立瓊崖儋萬之間為  
四州之望每晝雲霧收斂則五峯聳秀插天至黃昏復蔽  
不見



皖公

安慶府有皖山與潛山相連一名皖公山本春秋時皖伯所封之地

盧師

盧師山在順天府西隋末沙門盧師居此能馴服大小青龍元天曆中大旱有安陵道士持盧師谷蛇名小青龍者青場至謂禱之即雨脩縣尹呂思誠以其惑人殺蛇遂道士雨亦隨至遂有年

蘇武

蘇武山在陝西行都司鎮番衛東南相傳蘇武牧羝處故以名山

郭璞

郭璞山在饒州府餘干縣東和南鄉根盤五十里高百仞峯巒俊拔為鄱陽羣山之冠世傳郭璞嘗旋寓于此

伏波

桂林記府東北有伏波山突起千尺懸石如柱去地一線不合俗傳馬伏波試劍石

長卿

保寧府梓潼縣西南有長卿山舊名神山唐明皇幸蜀見山有司馬相如讀書窟因改今名

無量示寂

廣西全州西有湘山峯亦蒼巖石洞幽邃上有光孝寺即



無量壽佛示寂之所

英王尋僊

金精山在處州。即張麗英僊女宅。漢英王芮領兵入山。鑿洞尋僊女。見真人。上昇處。一在贛州寧都縣。

王道建府

幕府山在應天府西北。俗名灰山。晉元帝渡江。丞相王道建幕府於此。故名。上有僊人臺。虎跑泉。

路應為梁

寧國府宣城縣南有響山。兩崖對峙。下瞰響潭。潭上有釣臺。唐刺史路應嘗跨潭為梁。建兩亭於崖。以營州兵權德輿鐫記於崖石。

許由棄瓢

箕山在真定府唐縣西北。其巖生若箕形。即許由隱處。上有許由墓。棄瓢岩。洗耳溪。巢父答問碑。

兼道吹笛

趙宋隱士劉兼道遊武夷山。奪秀亭。劉善吹笛。有穿雲裂石之聲。因名亭曰鐵笛亭。

晉文紀過

史記世家。晉文公聞介之推入縣山中。於是環縣上山。中而封之。以為介推田。號曰介山。以紀吾過。且旌善人。杜預曰。西河介休縣。名縣上。

秦始頌功



山堂集  
史記秦始皇卽位三年東巡郡縣祠鄒嶧山刻石頌秦功德按鄒縣本邾國魯穆公改作鄒屬山東兗州府元鮮于樞嶧山詩東方巨鎮稱岱宗羣山列侍臣妾同西南崛起一萬仞却立不屈如爭雄何年天星下天宮墜地化作青芙蓉外如刻削中空洞閭風玄圃遙相通

郝甌

郝甌山在德安府城西後周以此山名縣山有鄖溪景雲潭潭側有唐甌山公郝處俊釣魚臺宋蔡確詩矯矯名臣郝甌山忠言直節上元間釣臺蕪沒知何處嘆息思公俯碧灣

支硎

支硎山在吳縣西晉僧支遁道林隱此且山多平石遂名支硎上有石窟溫泉放鶴亭馬路石皆支遁盤桓處

韓信追項羽

韓山在淮安沐陽縣東北世傳韓信追項羽於此南有楚王廟

去病擊匈奴

漢應劭曰祁連山本名天山蓋匈奴呼天曰祁連也漢霍去病以驃騎將軍擊匈奴至祁連山獲首虜三萬後去病薨上悼之發屬玄甲軍陣自長安至茂陵為塚象祁連山按西河舊事祁連山在張掖酒泉二郡界去焉支山北可千里初匈奴失此二山乃歌曰亡我祁連山使我六畜不



山字... 諸葛出獵  
蕃息失我焉支山使我婦女無顏色

諸葛出獵

駒驪山在句容縣東北。吳諸葛恪出獵此山。見有物如小兒。伸手引人。恪令持去。故地即歿。參佐問之。恪曰。此事在白澤圖。曰。兩山之間有精如小兒。名曰侯囊。

浮丘煉丹

黃山在寧國府太平縣南。當宣徽二郡界。有三十二峰。二十六源。二十四溪。十八洞。八大石。黃帝與浮丘伯嘗煉丹於此。又廣西梧州北流縣界有勾漏山。石峰千百。皆矗立。特起。其岩穴勾曲穿漏。故名。山有寶圭洞。洞有石室。石池。葛洪煉丹竈。

焦先隱

焦山在鎮江江中。漢處士焦先隱此。故名。旁有海門二山。上有焦山寺。羅漢岩。宋理宗書三三二字揭之。有臺曰煉丹洞。曰三詔。因先三詔不起。故名。崖下有瘞鶴銘。據輟耕錄所載。此銘乃華陽真逸撰。詞曰。相此胎禽。浮丘著經。乃徵前事。我傳爾銘。余欲無言。爾其歲靈。雷門去鼓。華表留形。義惟彷彿。事亦微冥。爾將何之。解化惟寧。後蕩洪流。前固重巒。右割荆門。歷下華亭。爰集真侶。瘞爾作銘。後又題云。丹陽僊尉。江陰真宰。刻在鎮江焦山。頑石上。潮落方可手摸。相傳為晉王右軍書。宋黃魯又曰。為陶隱居書。今文格字法。殊類陶弘景。蓋弘景自號華陽隱居也。今號真逸。豈



其別號歟。歐陽文忠又以為不類王右軍法。而類顏魯公。又疑真逸。是顧況道號。

### 袁京居

袁山在江西袁州府東北。昔高士袁京居此。故名。有大小二袁山。唐人詩袁山大小雙螺竝。秀水東西二帶橫。

### 卞和石室

荆山在襄陽府南漳縣西北。山海經其山陽多鐵。其陰多赤金。山頂有池。旁有石室。相傳為卞和宅。上有抱玉岩。又鳳陽府懷遠縣西南。亦有此山。山東有卞和洞。又名抱璞岩。唐胡曾詩。抱玉岩前桂葉稠。碧溪寒水至今流。空山落日猿聲急。疑是荆人哭未休。

### 安貞石牀

衢州府龍游縣東有龍丘山。漢龍丘長隱居於此。與嚴子陵友善。終年百歲。山際有二疊巖穴。外如窓牖。中有石牀。唐徐安貞讀書處。此山一名九峯巖。

### 許椽便登

世說許椽好遊山水。體便登陟。時云許非徒有勝情。實有濟勝之具。

### 宗元久厭

柳子厚嘗作囚山賦。晁無咎曰。仁者樂山。自古達人。有以朝市為樊籠者矣。未聞以山林為樊籠也。蓋宗元謫南海。久厭山林。不可得而出。朝市不可得而復。故賦囚山。



靈運造幽

晉謝靈運好登山。陟嶺必造幽峻。常著大屐。上山則去前齒。下山則去後齒。

子厚履險

宋章子厚與蘇子瞻遊南山。抵僊遊潭之上。絕壁萬仞。岸甚狹。子厚推子瞻下潭。書壁。子瞻不敢。子厚乃履險而下。以漆墨濡筆。大書石壁上。曰蘇軾章惇來此。子瞻撫子厚背曰。子厚必能殺人。子厚曰。何也。子瞻曰。能自拚命者。必能殺人。子厚大笑。

謝安別墅

金陵東南有土山。一名東山。晉謝安舊隱會稽之東山。後

居金陵。乃築土山擬之。山上營立樓館。雜植竹樹。每攜妓及中外子姪遊。集符堅入寇。與姪玄圍棋賭別墅。至夜乃還。即此宋朱存詩云。鎮物高情濟世才。欲隨猿鶴老山隈。山花處處紅粧面。彷彿如初擁妓來。

藏用捷徑

唐睿宗召天台道士司馬承禎。問以陰陽術數。對曰。道者。損之又損。以至於無為。安肯勞心以學術數乎。上曰。理身無為。則高矣。如理國。何對曰。國猶身也。順物自然。而心無所私。則天下理矣。上嘆曰。廣成之言。無以過也。承禎固請還山。上許之。尚書左丞盧藏用。指終南山謂承禎曰。此中大有佳處。何必天台。承禎曰。以愚觀之。此乃仕宦之捷



徑耳藏用始隱終南。晚徇權利。則天時。又就徵為諫議。故承禎諷之。藏用字子潛。

匡俗結廬

俗一作作

豫章舊志。匡俗字君孝。父平野王。與鄱陽令吳芮佐漢定天下而亡。漢封俗于鄱陽。曰越廬君。兄弟七人皆好道術。寓精于洞庭之山。故世謂之廬山。一說匡俗結廬于此。故名。山在南康府西北。山下有深洞。幽邃旁達。約數十里。號朱明真曜洞天。上有大小石樓。相去五里。皆孤高峻秀。邈出雲表。重簷四柱。宛如樓閣。山之東南有香爐山。孤峰突起。游氣籠其上。則氤氳若煙。西南有石門山。其狀似雙闕。壁立千仞。而瀑布流焉。天將雨。則廬山上有白雲冠峰。岩

謂之山帶。不出三日必雨。神僊董奉曾種杏于此。唐白居易嘗于香爐峰下立草堂。有詩云。倚石攀蘿歇病身。青瑣杖竹白紗巾。他時盡出廬山障。便是香爐峰上人。黃魯直詩。南康南麓江州北。五百僧房綴密脾。盡是廬山佳絕處。不知何處合題詩。

周顒立舍

齊周顒于金陵鍾山之西岩立隱舍。遇休沐則歸。又河南嵩縣有陸渾山。唐元德秀愛其佳山水。乃定居焉。

藥巴求酒

酒香山在岳州府城西南。山上有美酒。飲者即為僊。漢武帝遣藥巴來求。果得酒。未進。東方朔竊飲之。帝怒欲殺之。



對曰。酒有驗。苟殺臣。臣亦不歿。酒亦無驗。遂赦之。土俗相傳。每春時。往往聞山上有酒香。尋之莫見其處。

羊公作漿

搜神記。羊公。雍伯。洛陽人。性篤孝。父母終。葬無終山。遂居焉。山八十里。上無水。公汲水作羹漿。于阪頭。行者皆飲之。三年。有一人就飲。以石子一斗與之。使至高平善地。有石處種之。當生美玉。并得好婦。公如言種之。數歲。玉子果生。有北平著姓徐氏者。女甚有名。公試求之。徐氏戲云。以白壁一雙來。當聽為婚。公至種石中。得白壁五雙。以為贄。徐氏大驚。遂以女妻公。天子異之。拜為大夫。名種石地為玉田。

機雲比玉

崑山。在蘇州府崑山縣西北境上。晉時陸機。陸雲生于此。時人比之崑山出玉。因名崑山。

管鮑分金

鮑山。在濟南府城東。世傳鮑叔牙管仲分金于此。山下有鮑叔城。蓋叔牙食邑也。

馬遷望湖

姑蘇山。在蘇州府城西。一名姑胥。姑蘇臺在其上。漢司馬遷嘗云。登姑蘇臺以望五湖。即此。

余爽鑿路

南昌府宜縣南有毛竹山。按圖經。此山路塞。至宋治平間。



坪音平。有余爽者。出資募人鑿至。爛泥坪始通往來。

山堂肆考地理第十七卷

○山中

石公

石公山在蘇州府西南。山根有石如老翁立水中。洞不露。潦不沒。唐陸龜蒙有詩。

麻姑

麻姑山在江西建昌府城西南。周圍四百里。即三十六洞天之一。世傳麻姑于此得道。劉禹錫詩。雲蓋青山龍臥處。日臨丹洞鶴歸時。

藥主

藥主山在南昌府奉新縣南。唐文蕭綵寫僊去。切里藥一粒。



與其主人因以名山

桐君

桐君山在嚴州府桐廬縣東有異人于此採藥求道結廬於桐木之下人問其姓名則指桐以示之因號山為桐君山

空洞問道

廣成子軒轅時人隱居空洞山石室中黃帝造焉問以至道之要答曰至道之精窈窈冥冥至道之極昏昏默默無視無聽抱神以靜形將自正必靜必清毋勞爾形毋搖爾精毋俾爾思毋慮營營乃可長生山在平涼府城西上有問道宮山之東巖北別峯之陰有廣成子洞

具茨受圖

按音詞

陽城記黃帝登具茨之山升于洪隄之上受神芝圖于黃蓋童子山在開封府新鄭縣西南

僊人勸合

昔有二山相連後一山名敖山自南而北一山名不返自北而南誓不相合後有一僊人和合勸之二山復相連今人以比媒人

巨靈擘開

郭緣生述征記華山與首陽山本同一山河神巨靈擘開以通河流故掌跡至今存焉

士人望拜



長沙府善化縣西南有嶽麓山即衡山七十二峯之一也  
上有嶽麓書院宋張栻嘗往來其間下有石方而且平十  
人于此望拜南嶽因名拜嶽石

畫工寫婦

綱目金主亮嘗密隱畫工于奉使中俾寫臨安吳山以歸  
為屏風而圖已之像策馬于吳山絕頂題詩其上有策馬  
吳山第一峯之句

秭歸

秭歸縣即古夔國今歸州是也有秭歸山袁松嘗曰屈原  
此縣人既被流放忽然斬曰歸其秭亦歸因名其地曰秭歸  
秭即姊也

仙奕

仙奕山在柳州城南上有穴穴有屏有室有宇登者得石  
枰于上黑肌赤脉十有八道可以奕因名

天姥

天姥山在紹興府新昌縣名十六福地即季先生修道處

天童

天童山在寧波府城東上有天童寺宋王安石遊山詩溪  
水清連石老蒼行穿溪樹踏春陽溪深樹密無人處惟有  
幽花渡水香象山縣有聖娘山相傳昔有一女子在此山  
隱見若神

客星



山堂長考  
客星山在紹興府餘姚縣東北舊名陳山嚴子陵居此又湖廣施州衛城西亦有此山

佛日

佛日山在杭州府城東北中有佛日淨慧寺

吏隱

吏隱山在處州府縉雲縣治東北唐李陽冰為縉雲令秩滿退居于此有臺曰忘歸石壁有吏隱山三大字

神居

神居山在高郵州西南亦名土山上有排牙石人欲數之者其數必差終無能知其數之的者俗傳謝安嘗煉丹于此石井石臼猶存

仙堂

仙堂山在山西潞州襄垣縣山勢巍峩上有龍洞及僊堂寺太平府有仙都山淮安睢寧縣有僊掌山

鬼谷

廣信府貴溪縣南有鬼谷山山峯峭拔兩石對峙如龍昂虎踞之狀道書為第十五洞天上有蘇秦臺張儀井世傳鬼谷子居此故名鬼谷子姓王名詡一作詡

聖阜

聖阜山在山西太原府忻州定襄縣西北其山孤峙石上有二足跡元好問有詩焉水橫陳聖阜前滹沱陂堰遠相



靈巖

姓音圭靈巖山在吳縣西。上有石馬。望如人騎。吳王館娃宮。西施  
櫛音燮洞響。櫛廊。香水溪。玩花池在焉。又有靈池山。在廣東韶州

府翁源縣。山有老人。隱見于此。池因名翁水。

王屋

王屋山。在山西澤州陽城縣南。上有僊公洞天。廣三十里。  
狀如屋。故名。列子所謂愚公謀徙者即此。

女牀

女牀山。在華陰。產鸞鳥。又河南宜陽有女几山。相傳白蘭  
香神女上昇。遺几在焉。

婦翁舍

大安山。在湖廣德安府城西。唐許紹家于此。李白。許高力  
士。放還至此。許氏以孫女妻之。宋黃晦叔詩。大安婦翁舍  
時來枕流眠。

外舅居

判大山。在雲南大理府城南。山高千餘仞。昔大理段思平  
外舅爨判居其上。因名。

九疑

九疑山。在湖廣永州府寧遠縣南。晉郭璞云。其山九谿皆  
相似。或云九峰參差。互相隱映。行者望而疑之。故名。唐明  
皇時。有道士申大芝。遇異人。告以九疑山。舊有大樂一部。  
歲久化為五野猪。郡人部之。又化為五古器。太芝往求果



得之扣之音律相和。按九峰。一朱明。二石城。三石樓。四娥皇。五舜源。六女英。七蕭韶。八桂林。九梓林。又徐州城北亦有九疑山。俗名九里山。有穴潛通瑯琊王室。

四明

四明山在寧波府城西南。周圍八百里。二百八十峰。道書謂丹山赤水洞天。上有四窻穴。通日月星辰之光。故號四明。孔暉會稽山記。四明山。高峰軼雲。連岫蔽日。

五臺

五臺山在太原府五臺縣。上有五臺。高出雲表。頂皆積土。因謂之臺。歲積堅冰。夏仍飛雪。世傳文殊師利所居清涼山。即此。一在嘉興府治西北。中有石刻法華等經。

九室

九室山在襄陽府房縣西。相傳五代時陳搏修煉之所。武昌府通山縣東南有九宮山。

萬安

萬安山在休寧縣東。隋大業末。江華築郡城。自黔徙治于此。一在河南府東南。唐武三思議毀三陽宮。以其材作興泰宮于萬安山。即此。

二危

三危山在陝西行都司沙州城東南。其山三峰峭絕。舜窺三苗于三危。禹貢導黑水至于三危。即此。

二飛



二飛山在福建興化府仙遊縣北其山蜿蜒百里峙立為二如鳥展翼之狀

七盤

緝音羊

七盤山在陝西西安府藍田縣南近北又有緝坡山杜氏通典七盤十二緝藍田之險路也唐貞元初刺史李西華自藍田至內鄉開新道七百餘里迴山取塗行旅便之平涼府開城縣西有六盤山

六爻

廣西梧州府藤縣城西有六爻山峭絕臨江高三十餘丈山形六級如卦爻然

八卦

鄒縣西南有鳧山其陽有伏羲廟遺址世傳伏羲畫卦于此故土人呼其處為八卦山毛詩保有鳧繹元楊奐東游記過泗水地頗高敞南望鳧繹諸峰出沒于烟蕪雲樹之表即此

三秀

三秀山在福建同安縣西北又名仙人亭山上有石榻禪床及仙人蹟

四奇

四奇山在雲南姚安府大姚縣南四峰高聳

八分

八分山在武昌府東南有水分流如八字旁有八分湖八



山堂集卷之七  
分院建康錄謂武昌有山無林政可圖始不可居終山分  
八字數不及九卽此。

六合

六合山在六合縣南山有六峰卽江浦之定山也梁沈約  
有詩標峰綵霞外置嶺白雲間傾壁忽斜豎絕頂復孤圓

八塔

八塔山在遼東寧遠衛西南上有八小塔。

九巖

巖音宗九巖山在湖廣德安府孝感縣唐大將王鐵鎗所居一在  
西安府乾州醴泉縣唐昭陵在焉陪葬諸王七公主二十  
一妃嬪八房玄齡等十三人以宰相陪唐儉等五十三人

以承郎三品陪尉遲恭等六十四人以功臣大將軍陪

九曲

洱米或  
二音  
九曲山在雲南大理府洱河東峰岳攢簇狀若蓮花九盤  
而上又名九重巖上有石洞人莫能通。

三平

三平山在福建南靖縣南清寧里唐僧義中嘗從大顛游  
後建三平院住持此山山有十一奇句容縣有四平山。

四基

四基山在山東鄒縣東北上有孟子墓。

八部

八部山在貴州黎平府普安州城東諸峰皆石巖然摩空

巖音畜



九華

九華山錄。山在池州青陽縣南。峰巒異狀。其數有九。故舊名九子山。李白陋其名。以九峰如蓮花。改名九華。南唐以宋齊丘為青陽公。遣歸九華。即此。

萬竹

萬竹山。在台州府仙居縣西南。九峰迴環。叢薄敷秀。宋薛昂避寇于此。有詩。萬竹山中數十家。重重流水遶桑麻。飽餐鼓腹成何事。桃李春風任自花。

四頂

四頂山。在合肥縣城東。南俯瞰巢湖。上有四峰特起。相傳魏伯陽煉丹之所。唐羅隱詩。勝景天然別。精藍在畫圖。一

山分四頂。三面瞰平湖。

九頭

九頭山。在盱眙縣南山。有九丘。故名。

三耳

三耳山。在大理府趙州治西。三峰高聳如耳。又山西遼州東北。有五指山。半山石壁有五手指文。故云。

雙牙

雙牙山。在成都府簡縣東。山頂有古井。山半有石箱。昔有兩金鷲浴于井。夜棲于箱。人欲捕之。遂飛上南山。化為雙石對峙。若牙齒然。又雙角山。在廣西博白縣城西。高二百餘丈。二峰角立。山下有綠珠井。



五山奕人

安吉州南有五山。山有五峰。昔鄉人姚紵採薪。見二人奕。觀之稍久。二人曰。汝可還家。今日為汝祥矣。紵還家。因入甕中隱身。謂家人曰。可七日勿開。未至七日。家人誤開。紵化為白鶴。飛上五山。

萬山遊女

萬山在襄陽府西。相傳鄭交甫所見遊女處。此山之下。曲隈是也。又襄沔記。以紫蓋山萬山峴山。謂之三峴。

七星

桂林志。七星山在城東。舊名七星巖。七峰列如北斗。旁有小峯如輔星。緣磴而上。山半有亭曰簪帶。絕頂有道院。又

叙州府治東。亦有此山。七峰並秀。狀若連珠。故名。

九日

福建泉州府南安縣有九日山。唐秦系隱此。注老子。又半雲山。在廣西靈川縣城西南。又武岡縣有四雲山。杭州有五雲山。

崑崙五色

博物志。崑崙山。縱橫萬一千里。神物所集。出五色雲氣。五色流水。東南流黃水。入中國為河。十洲記。崑崙號崑崙。崑崙在西北之戌地。北海之亥地。去岸十三萬里。又有弱水。周廻繞之。山形如偃盆。下狹上廣。故曰崑崙。又釋氏家謂之須彌山。為帝釋天所居。山頂四峰。挺出各高七百仞。山東天



山堂集卷之七  
下。名東弗寺。西天下。名瞿耶尼。南天下。名閻浮提。北天下。名北鬱單闍。浮提。今中國四夷皆是也。涅槃經所謂閻浮界內有震旦。即此。按梵語稱天子為震旦。

### 蓬萊九氣

十洲記。蓬萊山對東海之東北岸。周迴五千里。外別有圓海。繞之。圓海水正黑。謂之冥海。無風而洪波百丈。不可往來。上有九氣大人。九天真官。蓋太上真人所居。唯飛仙乃能到其處耳。

### 千巖競秀

晉顧愷之遊會稽。人問山川之美。答曰。千巖競秀。萬壑爭流。

### 數峰回抱

丁公言遊東山詩。數峰回抱隔烟林。一簇招提十里深。祇合步行尋石徑。不宜呵喝入松陰。遙分畫手揮毫意。暗起詩人得句心。梅嶺笙歌上高處。孤猿幽鳥滅清音。

### 掩抱六重

醫巫閭山在遼東廣寧衛西。舜封十有二山。以此山為幽州之鎮。自是遂為北鎮。其山掩抱六重。又名六山上。有桃花洞。聖水盆。

### 突起三石

四川眉州中巖山半。三石突起。其形類筍。傍有諾詎那尊者。古道場。宋元徽初。有異僧入牛頭寺。主僧厚禮之。別去。



贈以一鑰曰。後欲見我。當至中巖山。見石笋扣之。可以見我。明年寺以低頭佛失珠。主僧馳至石笋峰下。扣以鑰。峰裂為三。乃見異僧曰。盜取佛珠在江濱。我得之久矣。主僧喜持珠而還。宋馮時詩云。古寺無人僧作佛。碧潭有水化為龍。當年諾詎小遊戲。一石擊碎成三峰。

三峰並列

金陵城西南有三山。下臨大江。三峰並列。故名。晉王濬伐吳。至三山。卽此。謝眺鮑照有晚登三山望京邑詩。福建建陽縣西北有九峰山。其山九峰相聯屬。

三水合流

木葉山在遼東都司廣寧中屯衛東。上建契丹始祖廟。奇

首可汗在南廟。可敦在北廟。繪塑二像。并八子像。相傳有神人乘白馬。自馬孟山浮土河而東。有天文駕青牛。自平地松林橫河而下。至木葉山。二水合流。相遇為配。生八子。其後族屬漸盛。分八部。每行軍及時祭。必用青牛白馬云。

十日方回

鬱林州北有寒山。越王佗遣人入山採橘。十日方回。問其故。云山中太寒。不得歸。因名寒山。宋余靖詩。空翠紛紛冷不流。風雲長是護靈湫。山神鞭起龍行雨。散作炎州六月秋。

七夕乃越

鳳翔府有隴山。其坂九廻。欲上者。七日乃得。越人顧瞻之。



莫不悲思。俗歌曰隴頭流水。鳴聲幽咽。遙望秦川。肝腸斷絕。又名鳴咽水。

山無三斑

包山在湖州府烏程縣。即古夫椒地。吳王夫差所棲也。山無三斑。謂無蛇虎雉也。侯景之亂。乃有蛇虎。

山有三角

十洲記崑崙山有三角。一角正北。名閻風巔。一角正西。名玄圃臺。一角正東。為崑崙王母居焉。

都嶠八疊

都嶠山在廣西容縣城南。高三百五十餘丈。上有八峰曰馬鞍。曰香爐。曰仙人。曰丹灶。曰八疊。曰堯干。曰雲蓋。曰中

峰。惟八疊一峰奇秀最高。有南北二洞。蘇軾送邵道士還都嶠詩。乞得紛紛擾擾身。結茅都嶠與仙隣。

思陵三清

思陵山在廣西潯州府城西。又名西陵。上有三清巖。

砥柱三門

砥柱山在河南府陝州城東黃河中。禹貢導河東至于底柱。即此。酈道元注水經。禹治洪水。凡山陵當水者。鑿之通河。河水分流包山在水中。若柱然。故曰砥柱。山有三門。南曰鬼門。中曰神門。北曰人門。

呂梁二城

呂梁山在徐州城東南。下有二洪。洪上有雲夢梁王二城。

山堂集卷之九 卷之十 卷之十一 卷之十二 卷之十三 卷之十四 卷之十五 卷之十六 卷之十七 卷之十八 卷之十九 卷之二十 卷之二十一 卷之二十二 卷之二十三 卷之二十四 卷之二十五 卷之二十六 卷之二十七 卷之二十八 卷之二十九 卷之三十 卷之三十一 卷之三十二 卷之三十三 卷之三十四 卷之三十五 卷之三十六 卷之三十七 卷之三十八 卷之三十九 卷之四十 卷之四十一 卷之四十二 卷之四十三 卷之四十四 卷之四十五 卷之四十六 卷之四十七 卷之四十八 卷之四十九 卷之五十 卷之五十一 卷之五十二 卷之五十三 卷之五十四 卷之五十五 卷之五十六 卷之五十七 卷之五十八 卷之五十九 卷之六十 卷之六十一 卷之六十二 卷之六十三 卷之六十四 卷之六十五 卷之六十六 卷之六十七 卷之六十八 卷之六十九 卷之七十 卷之七十一 卷之七十二 卷之七十三 卷之七十四 卷之七十五 卷之七十六 卷之七十七 卷之七十八 卷之七十九 卷之八十 卷之八十一 卷之八十二 卷之八十三 卷之八十四 卷之八十五 卷之八十六 卷之八十七 卷之八十八 卷之八十九 卷之九十 卷之九十一 卷之九十二 卷之九十三 卷之九十四 卷之九十五 卷之九十六 卷之九十七 卷之九十八 卷之九十九 卷之一百



山人謂雲夢卽韓信。梁王卽彭越。

八公

八公山在壽州東北。淝水之北。淮水之南。漢淮南王安與其賓客八公登此山學仙。今山有安故臺。及石上人馬存焉。安養士數千人。中有高才八人。曰蘇非李上左吳陳由伍。被雷被毛被。晉昌為八公。按此山一在廬州府巢縣。七修藁有辨。

五祖

五祖山在黃州府黃梅縣東北。一名茂山。卽五祖大滿禪師道場。山頂有池。生白蓮花。唐裴度詩。徧尋真跡躡莓苔。世事全拋不忍回。上界不知何去處。西天移向此間來。又

四祖山在黃梅縣西四十里。一名破額山。卽四祖大醫禪師道場。

八將

廣西博白縣城東一百有八將山。八峰攢立。鳳翔府岐山縣北三十里有五將山。西秦攻長安。秦王堅出奔五將山。卽此。

千夫

千夫山在大同府蔚州廣靈縣西北。相傳前代遣千人取花斑石祭禱而後取。

梓潼五女

楊雄蜀本記梓潼縣有五女山。秦王獻五美女于蜀王。蜀



王濔五丁迎五女見大蛇入山穴中五丁引蛇山崩五女上山化為石

林慮兩童

昔人有二子師事仙人盧子基于林慮山棲霞谷服飛龍藥一九十年不饑故魏武帝詩西山一何高望之殊不極上有兩仙童不飲亦不食山在彰德府林縣西北南負太行北接衡岳林慮卽隆慮漢避殤帝諱改名林慮

永平雙子

雙子山在永平府西北上有孤竹長石之墓團子山有孤竹次君之墓馬鞭山有少君之墓傳曰國人立其中子蓋次君也

句曲三君

三茅山在句容縣東南初名句曲象山形也漢茅氏兄弟三人各居一峰得道號三茅君因以名山為三茅峰山下有華陽洞昔吳亭金陵志茅山與蜀岷峨相首尾蔣山實其脉之盡者許邁云茅山是洞庭山西門替通五岳陶弘景謂東通王屋西達我眉南接羅浮北連岱嶽三茅君茅濛玄孫長曰盈遇王君得道漢初元中入句曲山為太元真君弟固武威太守秉上郡太守聞兄盈得仙道皆棄官訪從學道俱成地仙固為定錄真君秉為保命仙君

室中一人

踈屬山在陝西延安府綏德州山海經曰貳負之臣曰危



與貳負殺寔麻帝乃枯之于疎屬之山經其右反縛兩  
手以髮繫之于山上盤石之下在開題西北漢宣帝時使  
人鑿上郡發盤石室中得一人徒裸被髮反縛械一足群  
臣莫有識者劉子政按此言之宣帝大驚時人爭學山海  
經

洞上八仙

白石山在澤州府城南兩峰並立下有巖洞即道書第二  
十一洞天通北流勾漏洞世傳葛洪嘗往來其間洞之上  
有會仙巖丹竈及八仙石存焉

千佛嶺

江寧縣東北有攝山輿地志山多藥草可以攝生故名上

有棲霞寺齊徵君明僧紹捨宅所建寺有白石浮屠極精  
巧按江總碑明僧紹居士子仲璋為臨沂令於西峰石壁  
與法度禪師鑄造石佛名千佛嶺齊文惠太子豫章竟陵  
諸王增飾之嶺之上下巖數百隨其淺深廣狹為佛之大  
小惟正一巖高可五丈內坐釋伽佛傍立菩薩二皆四丈  
八尺下為天開巖白乳泉唐劉長卿有登東峰尋明徵君  
故居詩

五老峰

五老峰在廬山五峰如五老相連故名唐李白詩曰廬山  
東南五老峰青天削去金芙蓉九江秀色可攬結吾將此  
地巢雲松



吳王種香

香山在蘇州城西吳王種香處下有採香徑

越王種葛

采葛山在紹興府東勾踐種葛于此使越女治布獻吳王採葛人歌曰嘗膽不苦味若飴令我採葛以作絲

陸賈植花

肇慶府西有錦石山宋洪邁夷堅志曰漢陸賈使南越尉陀與之泛舟于錦石山下賈默禱曰我若說王稱臣當以錦裘石為山靈報使還募人植花卉于山以代錦後人因立廟祀之宋乾道中梁竑入都艤舟石下夜夢一客自稱陸大夫云我抑鬱于此千餘歲矣君幸見臨願留一詩竑

題詩于壁而去

曼卿擲核

胸音渠石棚山在海州朐山東北棚嶺甚峻了無花木石曼卿判海州讀書于此乃以泥裹桃核擲其上數年間花發滿山

夷齊採薇

史記武王平殷亂天下宗周而伯夷叔齊耻之不食周粟隱於首陽山採薇而食之遂餓死山在平陽府蒲州東南即禹貢雷首山是也

劉阮採藥

天台山在浙江台州府天台縣西即衆聖所降葛仙翁山也漢明帝時劉晨阮肇入天台山採藥失道食盡見桃實



食之覺身輕行數里至溪許持盃取水見一豚流出中有胡麻飯溪邊二女子笑曰劉阮二郎捉向所失流杯未便迎歸作食食之二人既出無復相識至家子孫已十世矣此山上應台星故曰天台高一萬八千丈周廻八百里。

### 秦精採茗

武昌山在湖廣武昌府武昌縣南晉武時宣城人秦精入此山採茗遇一毛人長丈餘引精至山曲示以聚茗既別復還採囊中橘遺精精怖負茗而歸。

### 元周積粟

倉樂山在襄陽府竹山縣東北昔有邑人徐元周積粟于此救餓鄉人德之故名。

### 蒜山

山在鎮江府西大江岸上山多澤蒜因名。

### 茶山

山在蘄水縣北山出茶劉禹錫詩薤葉照人呈夏簞松花滿椀試新茶又廣信府北亦有此山以陸羽嘗居此故名。

### 穀城

比音夷

山在山東兗州府東阿縣漢張良遊下邳圯上遇一老人授一編書曰後十二年孺子見我濟北穀城山下黃石即我矣孔文祥曰黃石公鬚眉皆白杖丹藜履赤舄葛稚川云即老子也老子無世不出數易姓名出于黃帝時號廣成子文王時號玄邑先生武王時號郭叔子漢初號黃石



公漢文時號河上公。

黍谷

山在順天府懷柔縣東。跨密雲界。劉向云：燕有谷，地寒不生黍稷，鄒衍吹律以溫其氣，故名山曰黍谷。

梅嶺

梅嶺即大庾嶺，在南安府大庾縣城西南。磅礴高聳，南接南雄，初嶺路峻阻，唐宰相張九齡開鑿新路，兩壁峭立，中塗坦夷，上多紅梅，故名梅嶺。嶺表有關曰梅關。宋橫浦居士張九成所築，按大庾縣本漢南楚縣地。漢初南粵不貢，武帝遣將軍庾勝討之，因築城于此，故名大庾縣。嶺亦以縣名之。又補陀落迦山一名梅岑，在寧波定海東北，舊昌

國縣海中。佛書所謂海岸孤絕處也。

桃源

山在衡州府桃源縣南。秦時有千餘人入洞避難，因隱于此。

瓜埠

瓜埠山在六合縣南。滁水經此入江，峭絕若砥柱。舊傳魏主臨江處。

花巖

山在江寧縣去牛頭山五里。唐貞觀中僧法融棲巖下，遇大雪忽有奇花二莖生巖側，又有白鳥獻花之異。

竹里



山在句容縣北。途甚傾險。號曰翻車峴。宋武帝破桓玄于竹里。卽此。

梨洲

山在奉化縣。晉孫興公弟承公遊此。獲仙梨食之成仙。故名。

桃葉

山在六合縣西。志云。隋伐陳。詣冶山。祇洹寺。問解脫禪師。何以克陳。師云。桃葉必克。乃造桃葉舟。渡江。憇此山傍。故名。

木皮

木皮嶺。在華昌府徽州西。杜詩云。首露靈亭西。尚想鳳凰

村。季冬携童稚。辛苦赴蜀門。南登木皮嶺。艱阻不易論。始知五嶺外。別有他山尊。後王巢之亂。王鐸置關于此。以遮秦隴。

賀蘭

賀蘭山在陝西寧夏城西。一名賀人。丹崖翠峰。巍然峻大。盤據數百里。寧夏倚以為固。趙元昊居興州。依賀蘭山為固。卽此。一在彰德府磁州城西。北相傳昔宋賀蘭真人居此。

瑞筠

臨江府治南有瑞筠山。本唐歐陽處士宅。有瑞竹。色如銀。故名。



桐栢

桐栢山在河南南陽府唐縣東南。河圖曰桐栢山為地穴。上為維星。

苧蘿

苧蘿山在紹興府諸暨縣南下有方石乃西施晒紗處。又柴桑山在九江府城西南。寰宇記云柴桑近栗里陶潛乃此中人。

峩眉

峩眉山在蜀眉州城南。自岷山延袤三百里。至此突起三峰。其二峰對峙宛若眉然。上有石龕百二十。大小洞四十。峴首

十道志羊祜嘗與從事鄒湛共登峴山。垂泣曰。自有宇宙。便有此山。由來賢達勝士。登此遠望。如我與卿多矣。皆遭滅無聞。念此使人傷悲。我百年後。魂魄猶當登此山也。湛對曰。公德冠四海。道符前哲。令問令望。當與此山相傳。若湛董當如公語耳。

陪尾

陪尾山在湖廣德安府城東北。即禹貢所謂熊耳外方。桐栢至于陪尾是也。一名橫尾。

五

史記齊桓公曰。寡人北伐山戎。過孤竹。西伐大夏。涉流沙。東馬懸車。上卑耳之山。思耳在河東大陽。



覆手

覆手山在德安府應山縣東。一峰五澗望之狀如覆手故名。

折腰

折腰山在山西平陽府垣曲縣西北山有銅冶。

壺頭

壺頭山在湖廣辰州府東以山頭與東海方壺山相似故名。漢光武建武中馬援征武陵蠻進營壺頭會暑甚士卒疲歔援乃穿山為室以避炎氣今山邊有石窟即援所居室也室中有蛇如百斛缸或謂乃援之餘靈。

釜頂

釜頂山在丹徒縣與京峴山相連京峴在縣東即秦所鑿泄王氣處吳謂之京口鎮以此。

秀容

秀容山在山西遼州榆社縣治東南山下有秀容川。

露骨

露骨山在鞏昌府階州治北宋神宗時王韶進破訶諾木藏城穿露骨山即此。

武夷遺影

武夷山在福建建寧府崇安縣南周圍百餘里。夏書謂十六洞天相傳嘗有神降于此自稱武夷君又列仙傳錢鏐二子長曰武次曰夷因以為名宋朱熹武夷圖序武夷之



山名著自漢世祀以乾魚不知果何神也。今崇安有山名武夷相傳卽神所宅。峰巒巖壑秀拔奇偉。兩崖絕壁人不到。鑄音夏處。往往有枯石。石罅間似度舟舡。棺槨之爲。槨中有道。夷所居而漢所祀者。卽其君長。蓋亦避世之士。爲衆所臣服。而傳以爲仙也。今山之羣峰最高且正者。猶以大王爲號。半頂有小丘焉。豈卽君之居耶。又按大王峰一名天柱峰。其西又有幔亭峰。四垂斗絕。秦始皇二年八月十五日。武夷君置酒餽會鄉人于此。建幔亭。綵屋設寶帳。施紅雲紫霞褥。呼鄉人爲曾孫。宋白玉蟾詩。人間幾度曾孫老。惟有青山自古今。

### 羅浮合體

羅浮乃羅山浮山合體。浮山本蓬萊之一峰。昔時洪水泛漲。浮海而來。附于羅山。崖巘相合。故合名羅浮。在增城博羅二縣之境。嶺十五峰。三十二。其峰之秀者曰飛雲。玉鸞。會仙。會真。綿綉。玳瑁。洞之幽者曰金沙。石臼。朱陵。朱明。黃龍。黃猿。蝴蝶。又有跳魚石。伏虎石。阿耨池。夜樂池。乃花首臺。龍公竹。皆山之奇勝。唐顏真卿早年典郡江南。遇道士陶八八。授與一刀圭。碧霞丹。令服之。約他日相待于羅浮山。後真卿爲盧杞所陷。令單車問罪于李希烈。至汜水。忽逢陶笑謂曰。吉吉。遂指嵩少而去。真卿去汴州。希烈僭號。使人害公于近郊。及希烈敗。詔公得歸葬。偃師北山。後有



商人至羅浮。忽見兩道人樹下圍棋。一道士笑謂商人曰。春寄一書達吾家。立札一封。題寄樞師。北山顏家。商人至詢所居。則瑩庄也。守塚老蒼頭得書。大驚曰。此先大師親翰也。因以藏于室。子孫擇日發塚。卽已空矣。徑往羅浮尋之。竟無跡。

形如釜盃

水經會稽秦望山。在州南。為衆峰之傑。吳越春秋稱山形如覆釜。盃中有金簡。玉字書黃帝之遺讖也。

形如覆舟

應天府城北有覆舟山。東際青溪。北臨玄武湖。

狀如端冕

桂林志。侯山在城西。高聳如公侯端冕之狀。故名。上有金鈎巖。巖在山絕頂。攀援曲折而上。俯視諸峰。如培塿然。

狀如方印

應天府東南有方山。狀如方印。一名天印山。秦鑿金陵山。疏秦淮水。此其所斷處。

媯宮簫鼓

南康記。君山翠麗鮮明。宛若臺榭。名曰媯宮。風雨之後。景色明淨。頗聞簫鼓之聲。

仇池樓閣

秦州記。仇池山。形如覆囊。上廣百頃。壁立千仞。有自然樓櫓。今在平涼府成縣西北。戰國為白馬氏。羗國。晉時楊難



當二世據此。杜甫詩。萬古仇池穴。潛通小有天神魚。人不見。福地語真傳。

### 石穴留書

荊州記。小酉山石穴中。有書千卷。相傳昔人避秦于此。學道因留之。梁湘東王繹賦。訪酉陽之逸典。謂此今山在湖廣辰州府西北五十里。大酉山在府西北四十里。山巔有善卷墓。

### 山阿埋劍

廣西蒼梧志。火山在城南。臨大江。延袤五十里。蓋吳郡之案山也。每夜火光。有野燒狀。或言水中有珠。故光燭于上。或言南越王陀埋劍山阿。故然。寰宇記云。山下有丙穴。嘉

### 魚生焉

### 玉笋瑤簪

簪音諧

宋范至能桂山志。池之九華。歛之黃山。括之仙都。溫之鴈蕩。夔之巫峽。此天下同珍之者。然皆數峰而止。又必因重岡複嶺。盤亘而來。非若桂之千峰。旁無延緣。岷然特立。玉笋瑤簪。森列無際。甚怪且多。誠為天下第一。韓退之詩。水作青羅帶。山如碧玉簪。黃魯直詩。桂嶺環成如鴈蕩。平坡蒼玉忽嵯峨。觀二子語意。則桂山之奇。固在目中。又山皆中空。故峰下多佳巖洞。且去城不遠。一日可以徧遊。

### 日精月華

鳳陽府皇城北有萬歲山。中都城遠其上。山之東西二峰。



對峙。東曰日精。西曰月華。宋徽宗政和中。遣戶部孟揆。于上清寶籙宮之東。築山以像餘杭之鳳皇山。號萬歲山。

山如長蛇

燕山在順天府玉田縣西北。自西山一帶迤邐東來。延袤數百里。抵海岸。宋蘇轍詩。燕山如長蛇。千里限夷漢。首銜西山麓。尾掛東海岸。

山如伏龍

真定府元氏縣西北。有封龍山。山勢如伏龍。欲飛舉狀。舊名飛龍山。唐改今名。李公緒為記。

斗峻箕張

齊山在池州府貴池縣。唐杜牧九日登齊山有詩。卽此以

山有羣峰。勢皆齊等。故名。或云唐刺史齊映。嘗好此山。因名其山形。則腸蟠腹相。斗峻箕張。其氣候則雨焉而骨肋立。日焉而華采呈。暑避流漿。寒入絨纈。空巖靈竇。響石飛泉。不可勝紀。

雲從星拱

西山在順天府西。舊記太行山首始河內。北至幽州。第八陁在燕。強形巨勢。爭奇擁翠。雲從星拱。于京師之右。每大雪初霽。千峰萬壑。積素凝華。若圖畫然。為京師八景之一。

鶴驚虎嘯

仰山在鳳陽府西。金章宗嘗遊幸。有詩刻石云。金色界中。堯率景。碧蓮花裏梵王宮。鶴驚清露三更月。虎嘯疎林萬



壑風。

樵語牧唱

却音隙。晉却詵數月山行。聞樵語牧唱曰。洗盡吾塵土腸胃。乃倚驂臨水。久之而去。

太行石髓

太行山在山西澤州城南。自此東西一帶諸山。雖因地立名。其實皆太行之支脉也。六帖曰。昔王烈嘗入太行山。聞雷聲。往視之。見山石上破數百丈。石中有一孔尺餘。中有青泥流出。烈取搏之。随手堅凝。氣味如粳米飯。仙經所謂石髓也。服之壽與天齊。

少室玉膏

河圖少室山有白玉膏。服之成仙。山在河南登封縣北。河南山之一峰也。山有三尖峰。東曰太室。西曰少室。

會稽射的

水經注。會稽有射的山。遠望如射侯。土人以暗占米價。諺云。射的白斛一百。射的玄斛一千。

烏程車蓋

山謙之吳興地記。烏程縣車蓋山之東。舊有晉太守殷康所立亭。瞻望極佳。

新豐湧出

慶山在西安府臨潼縣東南。唐武后時。因風雷湧出。此山初高六尺餘。漸高至二百餘丈。武后改新豐為慶山縣。江



陵人俞文俊上言天氣不和而寒暑併人氣不和而疣贅

堆音堆生。地氣不和而地阜出。陛下以女主處陽位。反易剛柔。故地氣隔塞而山變為災。陛下謂之慶山。臣以為非慶也。

天竺飛來

靈鷲山在天竺國。晉咸和中。西天僧慧理登杭州飛來峰。

歎曰。此是中天竺國靈鷲山。之小嶺。不知何年飛來。因名

其峰曰飛來。

石立

漢昭帝元鳳二年。泰山石立。上林僵柳復生。

土起

漢哀帝建平二年。無鹽巖山土起。瓠山石立。

宮集十七卷終

山堂肆考地理第十八卷

○山下

天目

山謙之吳興記。杭州於臨平縣天目山。極高險且長。與宣城

懷安並分山為界。山下有兩湖。似目故名。西湖志。西湖諸

山之脉。皆宗天目。天目西去杭州府治一百七十里。高三

千九百丈。周廣五百五十里。蜿蜒東來。凌深拔峭。舒岡布

麓。若翔若舞。萃于錢塘。石猶萃於天竺。自此而南而東。則

為龍井。為太慈。為玉岑。為積慶。為南屏。為龍。為鳳。為吳山。

皆謂之南山。自此而北而西。則為靈隱。為仙姑。為履泰。為

寶雲。為巨石。皆謂之北山。



地肺

潘岳關中記終南山一名中南言在天之中居都之南故云福地記其山東接驪山太華西連太白至於隴山去長安城八十里南入楚塞連禹東西諸山周迴數百里名曰福地辛氏三秦記山中有石室靈芝常有一道士不食五穀自言太乙之精齊戒乃得見之所居之地名曰地肺可避洪水括地志終南一名太乙一名橘山一名周南

齊雲

齊雲巖在休寧縣白嶽山西北三面皆絕壁中峰可梯而上頂濶四十畝前有巨石特起曰香爐峰又謂之凌虛臺

宋程秘書靈巖二字刻于云

朝月

順天府豐潤縣東有朝月山兩峰特起狀如偃月梧州城北有通星山

行雲行雨

陽臺山在湖廣漢陽府漢川縣南行雲行雨見雨類宋范致處詩傷心獨立陽臺望暮春雨淒涼宋玉情極目草深雲夢澤連天水濶漢陽城當在楚國山仍在千古襄王夢不成往事悠悠魂欲斷高唐今日有虛名

報天報地

漢武帝元封元年夏封太山禪肅然注曰云云亭亭肅然嵩里社首梁父皆太山下小山也太山上為壇以祭報天



之功曰封。太山下除地曰祭。報地之功曰禪。

天柱

天柱山在杭州餘杭縣西南。四隅陡絕。聳翠參天。為道家五十七福地。此山在中國者有三。一在壽陽。一在龍舒。此則其一也。宋吳昌裔有詩。在天屹業斷鰲根。臥草蒙茸伏虎痕。想見山中明月夜。有人長嘯抱崑崙。

雲門

紹興府城南有雲門山。晉王獻之嘗居之。梁天監中。還學士。往雲門山。從何轍受業。即此。又湖廣靖州有風門山。

霧猪

霧猪山在徐州蕭縣東南。以下有霧猪泉。故名。宋人曹國

舅隱此山。因蛻骨于此。

雲龍

雲龍山在徐州南。山形蜿蜒如龍。宋時山人張天驥居此。上有石佛。又名石佛山。唐末朱全忠遣子友裕軍于石佛山。即此。

清風

清風山在盱眙縣南。以山高而風清故名。一在遵化縣南。山高三百餘仞。

明月

明月山在順天府遵化縣西南。高百餘仞。上有石穴。南北相通。望之若明月。然陝西乾州永壽亦有此山。衢州府江



山縣南有景星山嚴州府分水縣有慶雲山

息風

息風山在瓊州府崖州感恩縣東山下有穴深不可測每颶風作黎人禱之則止

擊雷

擊雷山在雷州府城南為府治案山

天中

天中山在河南汝寧府城北山高尺餘上土下石以其在天之中故曰天中自古考日景測分數者莫正於此宋劉敞嘗作記以表其地

雲際

雲際山在柳州府融縣城北上有二泉

雷首

雷首山即日陽山在河東蒲坂縣又封禪書所謂薄山也  
月牙

月牙巖在桂林府龍隱巖北捫蘿而上石磴數十級半山之中形如初月故名

之罍陽

罍音浮之罍山在山東萊州府福山縣東北三面瀕海史記秦始皇二十九年登之罍刻石紀功即此如祀志齊有八祠之罍為陽王漢武登之罍聞稱萬歲

某陰月



萊山在登州府黃縣東南。封禪書齊有八祠。萊山為月臺。一名萊陰山。多仙聖所居。

春秋

春秋山在廬州府舒城縣南。相傳唐貞元中有二禪師。脫解於此。遺骨尚存。其夾實春秋時也。遂以名山。

子午

子午山在陝西慶陽府合水縣東。南連耀州。北抵鹽州。東接延安。綿亘八百餘里。相傳黃帝葬衣冠處。

富春

富春山在嚴州府桐廬縣西。一名嚴陵山。清麗奇絕。號錦峰繡嶺。乃漢嚴子陵釣處。前臨大江。上有東西二釣臺。元

餘姚人。

長秋

長秋山在四川嘉定州蒲江縣治東。

寒坡

寒坡山在慶遠府河池州思恩縣南。岡高風急。夏月亦寒。又天官縣西北。有寒石山。唐寒山子所居。貞觀中。豐干禪師謂閻丘太守曰。寒山拾得。卽文殊普賢後身也。閻丘往見之。二人笑曰。豐干饒舌。旣而隱身入巖。巖卽隨合。

夏屋

夏屋山在山西太原府代州東。昔趙襄子北登夏屋。誘代王使厨人操銅斗擊殺之。遂有代地。



熱水

陝西行都司西寧衛南五百里有山出煖水流入青海因名熱水山。

溫泉

溫泉山在雲南南甸宣撫府司東層巒疊障連亘二十餘里林木陰森下有溫泉。

方臺

荆南志華容有方臺山上雲母上人採之候雲所出處掘取無不獲者當掘時忌有人聲不則所得粗惡。

員嶠

列子曰渤海之東有大壑中有五山曰岱輿員嶠曰方

壺曰瀛洲曰蓬萊其山高下周旋三萬里其頂平處九千里山中間相去七萬里其上臺觀皆金玉禽獸皆純縞珠玕之樹皆叢生所居之人皆仙聖之種。

高蓋

高蓋山在泉州府晉江縣境唐歐陽詹母墳在其下詹拜墳有詩云高蓋山前日影微昏宿鳥傍林飛墳前酒酒空垂淚不見叮噓道早歸四川嘉定州西有高標山巍然高峙萬象在前。

浮槎

浮槎山在廬州府城東相傳自海上浮來昔有梵僧過而指之曰此耆闍一峰也梁武帝女為尼曾于此山建道林



寺釋用孫有詩。山頂有泉。宋郡守季不疑飲而甘之。以遺歐陽脩。脩為作記。

金山

鎮江金山在大江中。每大風起。勢若浮動。初名浮玉。唐裴頭陀于此開山。得金表。閻賜名金山。上有龍游寺。尋改從山名。有泉曰中冷。水品稱天下第一。臺曰妙高。洞曰朝陽。絕頂有亭曰留雲。曰吞海。汪彦章云。獨立無朋。以天為際。風濤朝夕。赴其吞吐。日月晦暝。環其左右。唐張祐詩。一宿金山寺。微茫水國分。僧歸夜船月。龍出曉堂雲。樹影中流見。鍾聲兩岸聞。天悲在。城市長日醉醺醺。宋王安石詩。天末海雲橫北固。煙中沙岸似西興。

錫山

錫山在常州府無錫縣西。唐陸羽云。惠山之東峰。當周秦間。嘗產鉛錫。漢興始乏。遂以名縣。昔有樵者。於山下得古銘云。有錫其天下。爭無錫。窳天下。清有錫。冷天下。弊無錫。又天下。濟自光武以後。不復出。又叙州府城西有朱提山。出銀。漢諸葛亮書云。漢嘉金。朱提銀。採之不足以自食。唐韓退之詩。我有雙飲醅。其銀出朱提。即此山也。

玉堂

玉堂山在四川潼州遂寧縣北。峰巒聳秀。氣象雄峙。縣之

銀殿



銀殿山在廣西平樂府恭城縣東北常有白雲遠其上遠視如寶殿故云廬州府巢縣有金庭山乃王子喬登仙處重慶府合州有銅梁山

玉壘

山在成都府灌縣西北滄水出焉左思賦包玉壘以為字郭璞賦玉壘作東別之標杜甫詩曰玉壘浮陰變古今皆謂此

鐵城

鐵城山在德安府城北其石如鐵故名

聚寶

聚寶山在金陵南聚寶門外雨花臺之側山出瑪瑙石故

名

懷玉

懷玉山在廣信府玉山縣北南唐時縣令楊文逸嘗夢一羽衣自稱懷玉山人來謁未幾其孫億生山有法海院宋李彌大作記

銅官

銅官山在銅陵縣之南上有泉源冬夏不竭可以浸鉄烹銅因名一在四川邛州東南史記卓氏之先為趙人秦破趙卓氏夫妻推輦而行曰吾聞岷山沃野下有蹲鴟乃求遠遷致之臨邛即山鑄錢即此漢文帝嘗以此山賜鄧通一在浙江湖州武康縣西北相傳吳王濞采銅於此山下



有二坎號銅井。登州文登縣有鐵官山。漢置鐵官。冶鑄于此。

金婆

金婆山乃朱邪所居之處。朱邪處月之別種。西突厥之苗裔。世居金婆山之陽。蒲類海東。其地有大磧名沙陀。因以沙陀為號。朱邪為姓。唐憲宗時有朱邪盡忠。始見於中國。其後有朱邪赤心。懿宗時賜姓李。名國昌。克用其子也。

玉馬

玉馬山在江西餘干縣南。上有白石如馬。故俗號白馬山。唐改為玉馬。

金牛

金牛山在嘉興府海鹽縣西南。吳地志昔有牛糞金。村民阜伯通與弟隨之。牛穴此山而入。二兄弟鑿山欲入。山頽同穴穴中。

金鳳

福山在常熟縣西北。本名覆金。唐改為金鳳山。後梁又改今名。

銅魚

銅魚山在廣東高州府電白縣治南。

金頭

金頭山在夔州府大昌縣東北。其勢高聳。冬月積雪不消。石屏。



石耳山在銅陵縣南雙峰峻拔亦名真人峰有石高丈餘  
上有巨人跡

金燈

武昌府咸寧縣有金燈山上有善暉禪師葬塔每月夜有  
光如燈至曉乃滅鬱林州南有金鼎山

玉笥

玉笥山一在新淦縣羣玉峰道書為第十七洞天第八福  
地有三十三峰六洞二十五壇十一亭臺漢武帝建壇授  
玉清籙天降玉笥因名焉

銀瓶

銀瓶山在無為州西北一峰特起狀如銀瓶

銅鼓

銅鼓山在鬱林州南有唐時銅鼓在焉故名又鳳翔府  
雞縣南有石鼓山山麓舊有石如鼓相傳周宣王時所鑿  
唐韓愈宋蘇軾俱有石鼓歌

采石

采石山在太平府牛渚山之北昔人有于此取石因名唐  
李白嘗乘月著宮錦袍與崔宗之泛舟即此處也

保泉

泉州府北有泉山一名齊雲山巒聳秀上有石乳泉清潔  
甘美州名泉郡名清源本此漢書東越王居保泉山即其  
地也保者保守之以自固也



土城

土城山在紹興府東吳越春秋越王使相者求美女於國中得之苧蘿山採薪之女曰西施鄭旦飾以羅縠教以行步習於土城三年而獻吳王一名西施山

石門

叙州府慶符縣南有石門山其林薄間多蘭一名蘭山

洞庭

洞庭山在蘇州府西洞庭湖中上有十二峰狀如十二螺髻堯女湘君嘗遊此故一名君山山有道與吳包山潛通道書以為第九洞天相傳可山有美酒得飲者不歎又按舜欽水月院記中有山七十二唯洞庭稱其間民俗

如音稼  
朴以橘柚為恒產每秋高霜落丹苞朱實與長松茂樹相  
差間自巖壑望之若圖畫內有角里村毛公壇

瓦屋

瓦屋山在金陵溧陽縣北形勢連亘兩崖隆起如瓦屋李白詩朝登北湖亭望見瓦屋山天清白露下始覺秋風還

衣錦

杭州臨安縣治南有石鏡山山之東峰有圓石徑二尺七寸其光如鏡錢鏐幼時遊此巔其形皆冠冕如王者狀後唐昭宗改鏐所居營為衣錦營陞為衣錦城并封此山為衣錦山

飛布



山學考  
卷八  
飛布山在歙縣北一名主簿山相傳有寇亂主簿葛顯率  
衆保此唐天寶間改今名

撫琴

撫琴山在陝西慶陽府寧州真寧縣治南即唐玄宗夢羣  
仙處山畔有洞風來有聲彷彿若琴音又廣州府香山縣  
南有橫琴山在海中形如橫琴

照鏡

改音澄  
照鏡山在雲南澂江路南州西北山前有池如鏡

磨笄

磨笄山在隆慶府保安州西北史記趙襄子姊為代王夫  
人襄子既殺代王迎其姊夫人曰趙已亡矣吾將何歸遂

磨笄於山自殺代人憐之因以名山胡曾詩云春山綿綿  
帶日低山邊立馬看磨笄黃鶯也解追前事來向夫人歎  
處啼

執笏

執笏山在成都府井研縣南一峰突出青陽氏世居其下  
登科不絕

鉢池

鉢池山在潯安府西形如鉢盂相傳昔仙人王喬煉丹於  
此

磬石

磬石山在邳州城西南與泗水相近山有石其聲清亮可



為磬。禹貢泗濱浮磬。即此山所出者。鳳陽靈璧縣亦有此山。又陝西耀州城東有山出青石。唐天寶中取為磬。因名磬玉山。其後郊廟之樂遂廢。泗濱浮磬。唐白居易詩。梨園子弟調律呂。知有新聲不知古。古稱浮磬出泗濱。立辨致效聲感人。宮懸一聽華原石。君心遂忘封疆臣。果然外寇從燕起。武臣不肯封疆歿。始知樂與時政通。豈聽鏗鏘而已矣。

### 爛柯

爛柯山在衢州府南。道書謂此山為青霞第八洞天。晉樵者王質入山。見二童子圍棋。質置斧於坐觀之。童子與質一物如棗核。食之不饑。局終。童子指示之曰。汝斧柯已爛。

矣。質歸已及日年。無復時人矣。宋錢顛詩。春郊雜遝擁紅旌。共訪仙踪。傲行雲徑直從深。掩入石橋宛在半空橫。巖邊瑤圃新出。洞裏芝田舊種成。羽客一枰無復見。青山留得爛柯名。

### 懸甕

懸甕山在太原縣西。一名結紉山。晉水所出。因山腹有巨石如甕故名。

### 肯堂

肯堂山在江西饒州德興縣東南。宋邑人余欽持節江南。詔許歸侍其親。乃構堂山下。張商英扁曰。繡綵其子瀚復新之。朱熹高曰。肯堂因以名山。



息臺

息臺山在四川眉州城西東館鎮北太平廣記昔有宮輅  
叟遇一道人叟偕子携酒隨道人入息臺山共飲之道人因  
取籍檢視云子壽止十八遂舉筆改之曰八十其後子年  
果八十

落帽

落帽見重陽李白詩九日龍山飲黃花笑逐臣醉看風落  
帽舞愛月留人

擣衣

郡國志靈山寺有神女於此擣衣因號擣衣山山南絕巖  
有方石明瑩謂玉女擣練碓

磨盤

磨盤山在寧國府太平縣西霧山之下有富溪源

簸箕

簸箕山在四川眉州丹稜縣北其山圓大形似簸箕故名

敬亭

敬亭山在寧國府宣城縣北一曰昭亭李白詩衆鳥高飛  
盡孤雲獨去還相看兩不厭惟有敬亭山

畏壘

莊子曰老聃之役有庚桑楚者偏得老聃之道以比居畏  
壘之山居三年畏壘大穰畏壘之民相與言曰庚桑子之  
始來吾灑然異之今吾日計之而不足月計之而月餘庶



幾其聖人乎。子胡不栢與尸而祝之。社而稷之乎。按後徒也。

瑞石

瑞石山在杭州府治南北接吳山下有涼雲洞。元薩天錫詩。天風送我登鰲峰。大山小山石玲瓏。赤霞日射紫瑪瑙。白露夜滴青芙蓉。飄飄雲氣穿石屋。石上紫風吹紫竹。掛冠何日賦歸來。煮石篝燈洞中宿。

甘泉

甘泉山在揚州西北高二十餘丈。周回二里。上有甘泉井。一在西安府涇陽縣西北。上有甘泉宮。漢書單于烽堠。以應甘泉。卽此。

響石

響石山在宿松縣東。人復之如擊鼓。然荊州記。桂陽又有石山。石有聲如人語。故名。

鳴沙

鳴沙山在玉門關西至瓜州南十里。山冬夏殷殷有聲。如雷出。五代晉高居誨使于闐有記。

枕水

桂林志。雉山在城南。又名灘山。又名枕水。高三百餘尺。周圍二里。上可容五百家。有洞深五百餘步。地窄不可窮。上多白蝙蝠。宋承初間有僧栖顛居之。日誦法華經。有雉終日來聽。一夕化去。托生民間。有來告者。栖顛訪之。果然。因



名雉山

盤堤

盤堤山在鞏昌府階州東南近有盤堤城晉鄧艾與蜀將姜維相持于此

獨秀

桂林志獨秀山孤標直聳約五百餘尺周回一里頂平如蒼玉正而端巖秀整側視如卓筆較諸峰獨雄故名山上  
有巖前宋始安太守顏延之讀書其中後為報恩寺今在靖江王府中唐張固詩孤峰不與眾山倚直入青霄勢未休會得乾坤融結意擎天一柱在南州

同盟

同盟山在衛輝府獲嘉縣東北相傳武王伐紂與諸侯同盟於此

大別小別

大別山在湖廣漢陽府城東北漢江之右禹貢內方至于大別即此三國南北之際常為必爭之地一名翼際山一名魯山以山有魯肅祠故名小別山在漢陽府漢川縣南山形如甌亦名甌山左傳吳與楚戰濟漢而陳自小別至于大別即此

大孤小孤

大孤山在九江府城東南彭蠡湖中與都昌分界四面洪濤屹然獨聳上有神祠過者必致祭焉小孤山在彭澤縣



址宋歐陽脩曰江南有大小孤山俗轉為姑江側有澎浪磯俗轉為彭郎云彭郎者小姑壻也余嘗過小孤山其廟像乃塑一婦人而勅額亦為聖母廟豈止俚俗之謬哉又宋坡詩舟中賈客莫謾狂小姑前年嫁彭郎

大峴小峴

小峴山在安豐六安縣其山出茶號小峴春以琅琊有大峴山故名小峴

大蜀小蜀

廬州府城西有大蜀山爾雅蜀者獨也此山孤立卓秀無岡阜聯屬故名宋董淳有賦山之西又有山差小名小蜀山

大劔小劔

四川保寧府劔州北有大劔山一名梁山劉儀鳳劔閣記梁山之險蜀所持以為外戶即此其山峭壁中斷兩崖相嶽音欽嶽如門之闢如劔之植故又名劔山小劔山與大劔山相屬秦惠王欲伐蜀而道不通乃作五石牛以金置尾下言牛能糞金欲以遺蜀蜀王乃令五丁力士拖牛成道秦因滅蜀大劔雖號天險徑路頗夷小劔則鑿石架閣有不容越者

大梨小梨

叙州府東有大梁山小梁山四時常雨俗呼為大漏天小漏天寰宇記謂之大梨山小梨山又太平府西南有天門



山。二山夾江東曰博望。西曰梁山。對峙如門。又名東梁山。西望山。李白詩。天門中斷楚江開。碧水東流至此迴。兩岸青山相對峙。孤帆一片日邊來。

小帆

小帆山在瓜步山東。大江中流。矗起高八九丈。周圍半里。水落痕出。常丈許。山頂如白礬。俗呼為礬山。一名石帆。上有落帆將軍廟。北有出佛洞。江流至此甚險。舟人鮮有不乞靈者。

大輪

大輪山在泉州府同安縣北。羣峰環列如異人奇鬼。或乘車張蓋。或露冕巍峩。或如帶甲。或如躍馬。或如奔輪。

大滌

大滌山在杭州府餘杭縣西南。中有日月分精。金堂玉室。或言此山清幽。大可以洗滌塵心。遂名大滌。中峰之上有許邁升天壇。及丹竈瓦甓尚存。

大圍

大圍山在瀏陽縣東北。上有白沙湖。廣袤五十餘里。流分四派。一為瀏水。其三入岳之平江。豫章之分寧。袁之萬載。岡巒圍繞。盤踞四縣。因名大圍。

舜耕

歷山在平陽府蒲州南。即舜耕處。括地志。蒲州河東雷首山。一名中條山。一名歷山。亦名首陽山。亦名蒲山。亦名襄



山亦名甘棗山亦名猪山亦名狗頭山凡十二名隨州縣分之歷山南有舜井又云越州餘姚縣有歷山舜井二所又有姚墟云舜生處也及媯州歷山舜井亦云舜所耕處未詳孰是

### 禹會

塗山在鳳陽府懷遠縣東南與荆山相對峙淮水經其中禹會諸侯于塗山即此西南有禹墟及禹會村柳宗元有銘又司馬遷傳禹巡狩至會稽山而崩因葬焉山有孔穴民間云禹入此穴故名禹穴

### 堯母居

伊祁山在保定府完縣西乃堯母所居

### 顏氏禱

尼山在曲阜縣東南連泗水鄒縣界一名尼丘山昔叔梁紇與顏氏禱于尼山而生孔子今其麓有宣聖廟西南有觀川亭東有坤靈洞元時有人持火曳絙而入比三數丈忽隙間有光觀一室口廣兩楹許中橫石床石枕皆天成又鄒縣東北有昌平山史記謂孔子生魯昌平鄉即此

### 孔望

孔望山在淮安海州城東孔子問官於郟子嘗登此山以望東海常州府江陰縣西南有秦望山風土記秦始皇登此四顧因名

### 計籌

總庚互  
二音



計籌山在武康縣東南高七十三丈圍五里三十步吳興志越大夫計然嘗計籌于此故名山有崖甚奇秀元道堅嘗居其下扁曰白雲洞天按計然索隱作計倪范蠡師也姓辛氏字子文

楚墓

楚王山在徐州城西山下有楚王墓山皆赭土禹貢厥貢惟土五色王莽時徐州歲貢土五色卽此

魯臺

魯臺山在黃州府黃陂縣二程讀書處

彭城

錫音箋 山在徐州東北大石上鐫彭城山三大字搜神記陸終弟

三子曰錢鏗封于彭城為商伯今徐州東門外城卽古之彭國也

蘇門

蘇門山在河南衛輝府輝縣西北一名百門山晉孫登隱此號蘇門先生阮籍往謁與商畧終古嘿然不應籍退至半山聞山巔有聲若鸞鳳乃登長嘯也登字公和

偃龕

徐山在徐州城南周徐偃王作亂穆王命楚伐之偃王敗走彭城武原山下民隨之以萬數王死民鑿石為龕以祀因名

桓柳



桓山在徐州城東北一名魁山臨泗水宋桓魋作石槨于此故名蘇軾守徐州有記并歌桓山之上維石差峩兮司馬之惡與石不磨兮桓山之下維水瀾瀾兮司馬之藏與水俱逝兮至今徐土崩多石槨出沒于水蓋三年不成必於此大淫巧也

漢銘

東漢竇憲與單于戰於稽落山大破之遂登燕然山勒石紀功命班固作銘

唐頌

鎮南峰在廣西桂林府城北朝京門旁有石崖天齊唐大歷間刻平蠻頌宋狄青平儂智高勒碑于此

秦鑿

丹徒縣城東有京峴山秦時望氣者言其地有王氣始皇使赭衣三千徒鑿京峴山為長坑以洩其氣卽此京鎮京口皆以此山得名鑿山之徒皆赭衣故縣名丹徒

吳封

國山在宜興縣西南高百二十五仞延袤三十六里舊傳仙人鍾離墨得道于此名離墨山又山有九峰相連亦名陞山吳五鳳初山大石自立孫皓遣司徒董朝等行封禪禮改今名

越秀

越秀山在廣州府城北登級二十餘丈上有越王臺故址



昔趙陀因山為之唐韓愈詩樂奏武王臺是也

胡遊

無為州西有胡遊山宋紹興初郡人王之道保聚于上羣寇不能破

陳倉

鳳翔府寶雞縣東南有陳倉山山有石類山雞趙高燒山雞飛去晨鳴山頭聲聞三十里又按寶雞縣本漢陳倉縣因秦文公獲石雞之異改今名

商洛

商洛山在西安府商縣東南亦名楚山即秦時四皓隱處

拜相

萃律音萃律

拜相山在廣西平南縣城東南一在慶遠府城北二峰如筍萃律參天宋馮京祖塋在其下

招賢

招賢山在武康縣西北晉郭文招賢之處故名福建建寧府崇安縣有起賢山劉子翬朱熹嘗集於此

囚女

囚女山在湖州府德清縣北東漢青州刺史姚恢與海昏侯沈戎過江欲卜居柯田山恢女密報戎戎先居之恢囚女于比因名

望夫

望夫山在太平府當塗縣西北昔人適楚不返妻登此山



山堂詩考 望之乃化為石

抱子

抱子山在廣西灌陽縣東。山勢重疊如襁負然。

夾兒

夾兒山在廣西灌陽縣北。有夾兒山。

東龕

東龕山在保寧府巴縣之東。又有南龕山在縣南。西龕山在縣西北。龕山在縣北。俱去縣五里。

南屏

杭州府城西有南屏山。峰巒聳秀。怪石玲瓏。峻壁橫披。宛若屏障。凌空而中峙者為慧日峰。

西傾

西傾山在臨洮府城西南。即禹貢西傾。因桓是來是也。

北固

北固山在鎮江府江中。晉謝安蔡謨鎮郡。皆於山上作庫。以儲軍資。梁武帝幸之。改為北固。有寺曰甘露。南麓有石如羊。曰狼石。相傳云。諸葛亮孔明坐其上。與孫仲謀破曹公也。西北有天津泉。

側立

側立山在登州府福山縣西北。西向側立。特出羣峰之外。

端坐

端坐山在廣西太平府全茗州南。形如人端坐。



薦福

薦福山在江西饒州府東。上有薦福寺。

迎祥

迎祥山在叙州府慶符縣東。宋置祥州。以此山名。

問政

問政山在歙縣東。唐有干方外者。學養氣之術。其從弟德晦刺歙州。往訪之。德晦為築臺於此。號問政山房。嘗有人躡險攀蘿。到絕壁上。苔蘚昏蝕。見有詩刻於石上。干尋練帶新安水。萬仞花屏間。政山自少雲霞居物外。不多塵土。到人間。凡二十韻。

祈澤

應天府東南有祈澤山。相傳昔有法師結庵于此。講法華經。有龍女來聽。法師因曰。可為開一泉乎。數日後有清泉湧于座南。後人以祈禱多應。故名。

不見日月

巫峽。即巫山。在四川夔州府巫山縣東。連亘七百里。略無斷處。自非亭午夜分。不見日月。水經。此峽乃杜宇所鑿。以通江水。又郭璞巫山賦。巫山者。巫咸以鴻術為帝堯醫師。生為上公。死為貴神。封于此山。因以名之。

多產禽獸

陰山在外夷。鞞韃國東西千餘里。草木茂盛。多產禽獸。漢時冒頓單于。依阻其中。後武帝奪其地。匈奴入寇。無所隱。



山堂集卷十八

若耶

若耶山在紹興府城東南舊傳葛仙學道于此

不其

其音茸

不其山在山東萊州府卽墨縣漢鄭康成教授於此山下有書帶草大如薤長尺餘

瑯琊

瑯琊山在滁州南晉元帝為瑯琊王避地於此因名唐大曆中李幼卿為刺史鑿石引泉賦詩而瑯琊之勝始聞宋賢出守文載金石而溪山之秘益顯一在山東青州諸城縣東南東枕大海齊景公欲遵海而南放於瑯琊卽此

蟠冢

蟠波播  
二音塚

蟠冢山在陝西鞏昌府西南禹貢導漾東流為漢卽此山

音冢

却音規

有異草名花骨空若食之令人無子按通典蟠冢山有二一在天水郡之上邽一在漢中府之金牛在天水者漢水之所出在漢中者漾水之所出天水卽鞏昌府漢時為天水郡按花骨空若二草名

文登

文登山在登州府文登縣秦始皇嘗集文士登此山論功德

武當

襄陽府均州南有武當山山有七十二峰三十六巖二十



參音諧

四洞五臺五井三泉二潭初名仙室山又名太嶽山真武奉元君遊覽至此改名太和其中一峰最高舊名天柱峰因梗止修煉後人謂非玄武不足以當此山改名武當以其山高壘峻若博山墟一名參嶺又成都府治北有武擔山

武林

武林山在杭州府西南漢地理志注云武林山武林水所出亦曰靈隱曰靈苑曰仙居或謂本名虎林唐因避諱改虎為武

文塔

文塔山在衢州府開化縣治東一名文筆峰元曾貞詩天

低雲有影日午塔無陰

買屬石首

荆州記石首縣陽岐山本屬南平界胡伯始以本縣境無山買此山上計借簿也按本縣指石首伯始漢胡廣字廣乃石首人

謀達漢陰

列子曰太形王屋二山方七百里高萬里北山愚公年且九十面山而居懲山北之塞出入之迂也聚室而謀曰吾與汝畢力平險指通豫南達于漢陰可乎雜然相許其妻曰以君之力曾不能損魁父之丘如太行王屋何且焉置土石雜曰投諸渤海之尾隱土之北運于北海之尾鄰人



京城氏孀妻有遺男。始齠跳往助之。寒暑易節始一反焉。河曲智叟笑而止之曰。甚矣汝之不慧。以殘年餘力。曾不能毀山之一毛。其如土石何。北山愚公長息曰。汝之心固固不可徹。曾不若孀妻弱子。雖我之死。有子存焉。子又生孫。孫又生子。子子孫孫無窮匱也。而山不加增。何苦而不平。河曲智叟亡以應。操蛇之神聞之。懼其不已也。告之于帝。帝感其誠。命夸蛾氏二子負二山。一厓朔東。一厓雍南。自北冀之南。漢之陰。無隴斷焉。按太形。卽太行。

宮集十八卷終

山堂肆考地理第十九卷

○泰山

泰山五嶽之東嶽也。爲兗州鎮。在兗州奉符縣。名蓬玄太室洞天。唐天文志。降婁玄枵。其神主於岱宗。歲星位焉。

雲闕

漢光武封泰山。雲氣成宮闕。

天門

漢官儀及泰山記。盤道屈曲而上。凡五十餘盤。經小天門。大天門。仰視天門。如從穴中視天。瞻山頂西巖。爲僊人石閣。東岩爲介丘。東南巖名日觀。又東南名秦觀。秦觀者。望



見長安。吳觀者望見會稽。周觀者望見齊也。

報功

博物志。泰山一名天孫。言為天帝孫也。五經通義。一曰岱宗。言王者受命易姓。報功告成。必於岱宗也。東方萬物始交代之處。宗長也。言為羣嶽之長也。

紀號

白虎通。王者受命。必封禪。封者。增高也。禪者。廣厚也。皆刻石紀號。著已之功績。以自效也。天以高為尊。地以厚為德。故增泰山之高。以報天。禪梁父之趾。以報地。

魯瞻

詩魯頌。泰山巖巖。魯邦所瞻。

鄭祀

左隱八年。鄭伯請釋泰山之祀。而祀周公。以泰山之祊。易許田。三月。鄭伯使宛來歸祊。不祀泰山也。

堯封

史記。齊桓既霸。會諸侯于葵丘。而欲封禪。管仲曰。古者封泰山。禪梁父。七十二家。而夷吾所記者。十有二焉。昔無懷氏伏羲氏。神農炎帝。封泰山。禪云云。黃帝封泰山。禪亭亭。顓頊帝。嚳堯舜。封泰山。禪會稽。湯封泰山。禪云云。周成王。封泰山。禪社首。

虞望

虞書。歲二月。東巡狩。至于岱宗。柴望。秩于山川。注云。柴燔。



柴以祭天也。謂望秩以祀山川也。秩者，具牲幣祝號之次第。如五嶽視三公，四瀆視諸侯，其餘視伯子男也。

秦松

泰山記：秦始皇上泰山，風雨暴至，休于松樹下，封松為五大夫，按五大夫官名。

漢栢

泰山南有廟，種栢樹千株，大者十五六圍，相傳云漢武所種。

探策

風俗通：岱宗上有金篋玉策，能知人壽修短。漢武探策十八，因到讀曰八十，其後果壽長八十。

作丸

劉向列仙傳：崔文子，泰山山人，好黃老術，潛居山下，作黃丸膏藥，有疫氣者，飲藥即愈。

稷丘雍琴

列仙傳：稷丘君者，泰山下道士，漢武東巡泰山，乃擁琴而拜。

張忠鑿金

崔鴻前秦錄：處士張忠，隱於泰山巖棲谷，修道養之法，鑿石為釜。

頭生白光

葛洪神僊傳：泰山下有老父者，失其姓名，漢武東遊，見老



父鉏千道問頭上生白光。

手翳芝草

曹植飛龍篇晨遊泰山雲霧窈窕忽逢二童顏色鮮好乘彼白鹿手翳芝草。

三宮

茅君內傳。僊家凡有二十六洞天。岱宗之洞。周圍三千里。名曰三宮。空洞之天。

五祠

漢書五嶽皆歲三祠。獨泰山歲五祠。

覽八極

李白遊泰山詩。平明登日觀。舉手開雲關。精神四飛揚。如

出天地間。黃河從西來。窈窕入遠山。馮崖覽八極。日盡長空閑。偶然值青童。綠髮盈雲鬟。笑我晚學僊。蹉跎凋朱顏。躊躇忽不見。浩蕩艱追攀。

小衆山

杜甫望嶽詩。岱宗大如何。齊魯青未了。造化鍾神秀。陰陽割昏曉。盪胸生層雲。決背入飛鳥。會當凌絕頂。一覽衆山小。

○華山

華山五嶽之西嶽也。為豫州鎮。在華州華陰縣。名太極。總僊洞天。少華山在華州東南。連太華山。太華山高五千仞。有芙蓉。明星。玉女三峯。蒼龍嶺。黑



璿浮鷲  
音別

龍潭白蓮池。日月崖。及僊堂石月之勝。少華山。其木多荆杞。其獸多野牛。其陽多璿浮鳥。多赤鷲。宋時此山嘗自摧。被害者甚衆。今摧處亂石猶存。

少陰

白虎通。西方少陰用事。萬物生華。故曰華山。華山記。山頂有池。生千葉蓮花。服之羽化。因曰華山。

太白

唐天文志。鶉首實沉。其神主於華山。太白位焉。太白山。即鬼谷子授蘇秦佐國之術處。其祠廟在長安。

神傳

韓子曰。秦昭王令工施鈎梯而上華山。以松栢之心為博

箭長八尺。棋長八寸。勒之曰。昭王常與天神博於此。

神開

見山巨靈擘開。

重嶺

華山記。華山高崑崙四合。重嶺秀起。

二岑

述征記。華山有二岑。其高五千仞。廣十里。自小岑迄嶺表。有如削成。

獵師見女

列僊傳。毛女在華陰山中。山客獵師。世世見之。體生毛。自言秦始皇宮人。



度世逸父

神僊傳。衛叔卿。常乘虛駕白鹿。見漢武帝。帝將臣之。叔卿不言而去。帝悔。求得其子度世。令追其父。度世登華嶽。見其父與數人博於石上。勅度世令還。

歸馬

周書。歸馬於華山之陽。放牛於桃林之野。

騎龍

列僊傳。呼子先者。漢中關下卜師。壽百餘歲。臨去呼酒家。媪令急裝。有僊人持二茅狗來。一與子先。一與酒媪。因各騎之。乃龍也。上華陰山。常於山上大呼。言子先酒母在此。

玄仲到頂

華山記。王玄仲欲登蓮花峯。約寺僧云。到峯頂。當起烟為信。翌日持火而登。僧候之。果有烟起。留二旬乃下。僧問之。云峯頂有池。菡萏盛開。其中又有破鐵舟存焉。

文公遊巔

李肇國史補。韓文公遊華嶽之巔。顧視其險絕。恐慄。度不可下。乃發狂慟哭。欲縱遺書以為訣。沈顏謂文公假事諷時。寓意於此。蓋憤趨榮貪位者之若陟懸崖。險不能止。然後嘆不知稅駕之所。焉可及矣。

素車白馬

史記。秦始皇三十六年。秦人鄭容為始皇使。從關東來。至華陰。望見素車白馬。從山上下。知其非人。止道左而待之。



遂持璧與鄭容曰為我遺瀉池君。今年祖龍死。鄭容問其故。忽不見。置其璧去。注云瀉池君水神也。江神以璧遺瀉池之神。告始皇之將終也。秦以水德。故其君將亡。水神先自相告。祖始也。龍君象謂始皇也。

### 朱鬢紫衣

六帖。唐主車駕次華陰山。見嶽神數里迎謁。上召諸巫問神安在。獨老巫阿馬婆奏云。在路左。朱鬢紫衣。迎候陛下。上顧笑之。及上至廟。見神索鞵。俯伏庭東南大栢樹下。上加禮敬。尋詔先諸嶽封為金天王。

### 受金丹

列僊傳。馬明生從安期先生受金液神丹方。乃入華陰山。

合金液。不樂升天。但服半劑為地僊。

### 鳴石鼓

華山記。山有靈泉二所。一名蒲池泉。一名太上泉。池北有石鼓。父老相傳。嘗有聞其鳴者。

### 通帝座

李白登華山落鴈峯曰。此山最高。呼吸之氣。想通帝座矣。恨不携謝朓驚人詩來。搔首問青天耳。

### 通天門

杜甫望嶽詩。車箱入谷無多路。扈通天有一門。按華山雲。其上有石盆。可容水數斛。用玉如玉。俗呼為玉女洗頭盆也。車箱谷箭括門。皆西嶽各嶽登嶽所由之徑也。



熒光休氣

李白雲臺歌送丹丘子曰。西嶽崢嶸何壯哉。黃河如絲天際來。黃河萬里觸山動。盤渦合轉秦地雷。熒光休氣紛五綵。千年一清聖人在。巨靈咆哮擘兩山。洪波噴流射東海。三峯却立如欲摧。翠崖丹谷高掌開。白帝金精運元氣。石作蓮花雲作臺。

仙草瑤池

張說撰太華山碑銘。踞中土西偏。當七宮正位。是稱西嶽。石壁磔堅而雄竦。衆山奔走而傾附。其氣肅其威振。其行配金其辰直酉。前對華陽之國。後厭華陽之郡。左抱桃林之塞。右產藍田之玉。諒少昊之下都。卽蓐收之別館也。下

有方士真人金鼎石室。上有明星玉女。僊草瑤池。

王猛隱居

崔鴻前燕錄。王猛隱居華山。聞桓温入關。披褐詣之。捫膝談當代之事。傍若無人。

陳搏修道

陳搏修道於華山。雲臺觀中。大因三十六載。小因一十八春。

嵩高山

嵩高山。五嶽之中嶽也。在洛京三屋縣。名上帝司真洞天。唐天文志。鶉火大火壽星。爲中州。其神主於嵩丘。鎮星位焉。白虎通。中嶽獨加高字者。蓋山在四方之中而高。故曰嵩高。



二室

戴延之西征記高山三十六峯東曰大室西曰少室相去十七里嵩其總名也謂之室者下有石室也少室高八百六十丈上方十里與太室相埒但小耳漢武帝嘗於太室山中作祭僊臺萬歲亭

三臺

雜道書嶽神廟東有三臺山昔漢武帝東巡過此見學僊女卽此

望都峯

嶽之西北一峯號望都峯天氣晴暖卽望見洛陽隱隱如車蓋之狀六帖嶽之東北一峯號雞鳴峯五更初便見日出

擣帛石

五代秦再思記高山之上有玉女擣帛石瑩徹光潔人莫能測嶽下人云立秋前一日中夜常聞杵聲

生賢佐

詩大雅崧高維嶽峻極於天維嶽降神生甫及申維周之翰

封天王

唐書則天垂拱四年七月改高山爲神嶽封其神爲天中王至萬歲通天元年辛巳尊天中王爲神嶽天聖皇帝天靈妃爲天中皇后

神呼



漢武帝詔朕有事華山。至於中嶽獲駃鹿。見夏后啟母石。翌日親登嵩高。御史乘屬車在廟旁。吏卒咸聞呼萬歲者。三。登禮罔不答。其令祠官加贈太室祠。禁無伐草木。以山下三百戶為置奉邑。

童謠

五行志。唐高宗調露中。始欲封嵩山。屬突厥叛而止。後又欲封。以吐蕃入寇而止。時童謠曰。嵩山凡幾層。不畏登不得。但恐不得登。三度徵兵馬。傍道打騰騰。

許由山

雜道書。東龍門之南。有許由山。高大四絕。其北有潁水。乃堯聘許由處。猶有壇墀在焉。

楚客舍

唐杜楚客。因建成難作。遁舍嵩山。正觀四年。召為給事中。不應。太宗曰。居山似矣。謂非宰相不起。詎然耶。

靈數

盧元明記。嵩山為棲神之靈數。長松翠栢。生於嶺間。左右為古人住止處。有銅鈔器物。

仙館

劉義慶世說。嵩山北有大穴。晉時有人誤墮穴中。見二人圍棋。局下有一杯對飲。墮者告以饑渴。棋者曰。可飲此。墮者飲之。氣力十倍。棋者曰。汝欲停此否。墮者曰。不願停。棋者曰。從此西行。有天井。但投身入井。自當出。若餓。取井中



物食之墮者如言。可半年乃出。自蜀中歸洛下。問張華。華曰。此僊館也。所飲者玉漿也。所食者龍穴石髓也。

### 盧鴻廣廬

唐開元中。隱士盧鴻。字浩然。隱嵩山。賜隱居服。官為營草堂。到山中。廣學廬。聚徒五百人。嶽頂有中天池。凡絕境處。鴻皆勒銘。

### 李渤築室

唐李渤。築室於少室山中。自號少室山人。唐順宗徵為左拾遺。辭疾不至。

### 溫公題字

聞見錄。司馬公居洛。嘗同范景仁過韓城。抵登封。憇峻極

下院。登高頂。入崇福宮。會善寺。由轅轅道。至龍門。遊廣化。奉先諸寺。上翠巖閣。千佛岩。尋高公堂。渡潛溪。入廣化寺。觀唐郭汾陽鐵像。涉伊水。至香山。黃龕。憩石樓。臨八節灘。過白公影堂。凡所經遊。多有詩。公不喜肩輿。山中亦乘馬。遇路險。策杖以行。故嵩山題字曰。登山有道。徐行則不困。措手于平穩之地。則不跌。其旨遠矣。

### 退之題名

歐陽永叔跋嵩山題名曰。韓退之題名二。皆在洛陽。其一在嵩山天封宮石柱上。記龍潭遇雷事。天聖中。余與梅聖俞遊嵩山。入天封宮。徘徊柱下而去。遂登山頂。至武后封禪處。有石記戒遊龍潭者。毋笑語。以瀆神龍。龍怒則有雷。



因思退之記遇雷事。意其有所戒也。其一在福先寺塔上。當時所見墨跡。不知其後何人摸刻於石也。

道士種花

漢世道士從外國將貝多子。來於嵩高山西脚下種之。有四樹。與衆木異。一年三花。花白色香美。

鍊師絕穀

李白贈焦鍊師曰。嵩山有神人焦鍊師者。不知何許婦人也。又云。生於齊梁時。其年貌可稱五六十。常胎息絕穀。居無室廬。遊行若飛。倏忽萬里。世或傳其入東海。登蓬萊。竟亦不能測其往也。余訪道少室。盡登三十六峯。聞風有寄。灑翰遙贈云。二室寄碧天。三花明綠烟。中有蓬萊客。死疑

麻姑僊道在喧莫染。跡高想已遷。時食金蟻蕊。屢讀青童篇。八極恣遠憩。九垓長周旋。潛光隱嵩山。鍊魄棲霞幄。霓裳何歲誕。羽駕轉綿邈。願同西王母。下顧東方朔。紫書倘可傳。銘骨誓相學。

使者乘龍

漢武帝內傳。武帝夜夢與李少君俱上嵩山半道。有綉衣使者乘龍持節。從雲中下。言太乙請少君。覺乃告近臣曰。如朕夢。少君將舍朕去矣。

王子駕鶴

見七夕

授書



白龜年。樂天子也。一日於嵩山東巖下遇李白曰。吾與汝  
父皆僊矣。出素書一軸授之曰。讀此可辨九天禽語。九地  
獸言。龜年一日過潞州。二雀啾啾過州太守庭。守曰。彼何  
言。龜年曰。言城西人家有粟可共食之。驗之果然。

枕襪

見月

○衡山

衡山。五嶽之南嶽也。爲荊州鎮。在衡州府衡山縣。  
名朱陵太虛洞天。寰宇記。宿當翼軫。庶應璣衡。故  
曰衡山。山海經。衡山一名岫嶺。唐天文志。星紀鶉  
尾神主衡山。熒惑位焉。盛弘之荊州記。衡山南嶽

劉禹錫望衡嶽詩。東南倚蓋卑。維嶽資柱石。前當祝融居。  
上拂朱鳥翮。青冥結精氣。磅礴宣地脉。還聞膚寸陰。能致  
彌天澤。

神禹碑

韓退之題岫嶺山詩。岫嶺山尖神禹碑。字青石赤形摹竒。  
科斗拳身薤葉披。鸞飄鳳泊拏虎螭。事嚴跡恠鬼莫窺。道  
人獨上偶見之。我來咨嗟涕漣洏。千搜萬索何處有。森森  
綠樹猿猱悲。

祝融峰

朱元晦醉下祝融峰詩。我來萬里駕長風。絕壁層雲許盪  
胸。濁酒三盃豪氣發。朗吟飛下祝融峰。又青瑣祝融峰詩。



一千里地盡皆見七十二峰中最高。

宗炳結宇

孫嚴宋書宗炳字少文好山水愛遠遊西陟荆巫南登衡岳因結宇衡山有懷尚平之志以疾還江陵嘆曰老疾俱至名山恐難徧觀惟當澄懷觀道臥以遊之凡所遊履皆圖於室謂人曰撫琴動操欲令衆山皆響。

杜甫遊祠

杜甫大曆中出瞿唐下江陵泝沅湘以登衡山因客耒陽遊嶽祠為暴雨所阻旬日不得食。

李泌願歸

唐李泌畏禍願歸衡山詔給三品祿賜隱士服為置室廬

以居之泌在衡山事明璫福師。

韓愈默禱

韓愈謁南嶽廟詩五嶽祭秩皆三公四方環鎮嵩當中。火維地荒足妖恠天假神柄專其雄噴雲泄霧藏半腹雖有絕頂誰能窮我來正逢秋雨節陰氣晦昧無清風潛心默禱若有應豈非正直皆感通須臾靜掃衆峰出仰見突兀撐青空蘇東坡潮州韓文公廟碑能開衡山之雲而不能回憲宗之惑。

○常山

常山五嶽之北嶽也為并州鎮在定州常山縣石太乙總玄洞天爾雅常山謂之恒山五嶽圖恒山



高三千九百丈七尺。上方三十里。周回三千里。白虎通。北方為常山者。何陰終陽始。其道常久。故曰常山。唐天文志。大梁析木。其神主於常山。辰星位焉。

畢昴之精

春秋元命苞。畢星散為冀州。分為趙國。立為常山。注常山。是畢昴之精。

趙代之境

常山居趙代之境。管子曰。其山北臨代。南俯趙。東接河漢之間。

藏符

史記。趙簡子告諸子曰。吾藏寶符於常山上。往得者。立為後。諸子皆競往。無所得。毋卹還奏曰。常山臨代代可取也。簡子曰。是知符矣。乃廢太子伯魯。而立毋卹為後。

得玉

崔鴻前燕錄。慕容儁壽光二年。常山寺。大樹根下。得璧七十。圭七十三。光色精奇。有異常玉。以為神嶽之命。以太牢祠之。

昌容得道

列僊傳。昌容者。常山道士。自稱殷王女。食蓬蘽根。往來山下。見者二百餘年。顏色如二十許人。

文成禮神



後魏書。道武立廟於常山上。置侍祀九十人。歲時祈禱。水旱。至文成帝東巡。親禮其神焉。

蛇曰率然

孫子兵法。常山之蛇。名曰率然。一身而兩頭。擊其一頭。則一頭至。擊其中。則兩頭俱至。

草名神護

神農本草。常山有草名神護。置之門上。每夜叱人。

乾門坤軸

唐張嘉貞恒山碑銘。包括綿長。經綸中外。外夷有四。昴宿主胡。則延袤以限之。中郡有五。寶符在代。則高襄以臨之。其項也。上秩乾門。黑帝之宮觀。其足也。下擦坤軸。玄神之

都府。

幽澗飛泉

唐太宗祭常山文。絕壁千尋。孤峰萬仞。桂花浸月。松蘿挂雲。幽澗冬暄。飛泉夏冷。寶符臨代。邦之美。靈蛇表陣。勢之奇。鑿石七年。無以虧其大。含波九載。不能損其高。巍巍乎與乾坤而永固。隱隱乎橫古今而不絕。

○石

釋名。山體曰石。山多大石曰礪。礪。學也。山多小石

曰礪。礪。堯也。

礪音恪

礪音堯

土精

揚泉物理論。土精為石。石氣之核也。氣之生石。猶人筋絡



之生爪牙也

地骨

點音統見地。又石名雲根。古詩點點布雲根。森森散雨足。蓋雲生於石故名。

泗濱浮磬

夏書。泗濱浮磬。注云。浮磬者。石露水濱。若浮於水也。故名泗水。名。即今徐州。

條支和丹

洞冥記。漢元鼎中。條支國貢異石。以和九轉丹。髮白者以石拭之。應手而黑。

興安櫛履

荆州記。興安縣水邊有平石。其上有石櫛石履各一。俗云。越王渡溪。脫履墮櫛於此。

饒州倉困

鄱陽記。錢倉石在饒州。石形如倉困。昔漁人夜宿石上。忽見石開。窺其中有錢。取之盈艇。因名錢倉。

貓睛

貓睛石。出三佛齊國。瑩潔明透。如貓眼睛。

龜背

贛州興國縣之儒林鄉。有石圓如龜。頂背皆具。人謂之龜背石。彷彿八卦形象。逐月隨斗杓旋轉。土人疑其恠。移置他所。翌日復歸其處。人因祀之。



宋隕

左僖十六年春隕石於宋五。

晉言

左昭八年石言於晉魏榆。晉侯問於師曠曰。石何故言。對曰。石不能言。或馮焉。不然。民聽濫也。臣又聞之作事不時。怨讟動於民。則有非言之物而言。今宮室崇侈。民力彫盡。怨讟並作。莫保其性。石言不亦宜乎。於是晉侯方築虎祁之宮。叔向曰。子野之言。君子哉。

馮音憑

虎音斯

石走

五行志。資州有石方丈。走行數步。

石移

宋史。福清石竹山。有大石自移。石方九尺。所過成蹊。

叱羊

見山

射虎

韓詩外傳。楚熊渠子夜行。見寢石。以為伏虎。彎弓而射之。沒金飲羽。下視之。乃石也。因復射之。矢躍無迹。與李廣事同。

燕啣

西京雜記。竇太后在家。嘗有白燕啣石。大如指。墮后積籠中。后取石剖為二。中有文曰。母天下。后乃合之。遂不復開。後為皇后。常並置壘積中。號曰天壘。



魚化

水經注。范文本。日南西捲縣奴也。為奴時。牧於澗中。得兩鯉魚。欲私食之。即知詰文。文詐云。將礪石還。非魚也。即至魚所。果見兩石。文異之。石有鐵文。因入山中。就石治鐵。作兩刀。舉刀向石。鄣呪曰。鯉魚變化。治石成刀。斫石鄣破者。是有靈神。文當治此。因斫石。鄣如龍淵。干將之斬蘆芻。遂君其地。

昆吾作劍

十洲記。流州在西海中。上有昆吾石。治之成鐵。作劍。光明洞照。如水精狀。割玉如泥。工。

臨賀磨刀

荆州記。臨賀有青石。上有磨刀斧之迹。春夏明淨。秋冬蒸穢。云是雷公磨刀石。

望夫

神異記。武昌山北。有望夫石。狀若人。俗傳昔有貞婦。其夫從役遠赴國難。携弱子餓死。此山立望夫而死。化為立石。因名焉。

化女

幽明錄。陽羨縣小吏吳龕。嘗於溪邊。見五色浮石。因取納牀頭。至夜化成女子。

乞子

郡國志。馬湖南岸。東西有二石。東石腹中。出一小石。西石



腹中懷一小石。故楚人乞子於此。有驗。因號乞子石。

憇僊

酉陽雜俎。荊州利水間。有二石若闕。名曰韶石。晉永和中有飛僊。衣冠如雪。各憇一石。旬日而去。

玉女擣帛

見嵩高山。

玉女揜扉

晏殊類要。保寧府鵝龍山南有一石。長四十丈。高五尺。中有戶及門扉。若人揜扉然。號曰玉女房。

子荆礪齒

晉書。孫楚。字子荆。與王武子善。少時謂武子曰。當枕石漱

流。誤云。漱石枕流。武子曰。流非可枕。石非可漱。楚曰。枕流欲洗其耳。漱石欲礪其齒。

媯皓叩頭

東漢吳郡媯皓。父為南郡。坐事繫獄。皓懷小石至公卿門。輒出石叩頭。流血覆面。父遂得免。

文若馬牛

魏畧。梁州柳谷。有石無故自崩。有文如馬牛之狀。乃司馬氏得天下之應也。

象如龍鳳

零陵志。石屏出零陵白鶴山。屈處靜。上昇之所。紹興間有宗子。一日。艤舟山下。於水中得一石。光彩絢異。紋若峯巒。



聳秀渾然天成自是石工鑿取益衆其烟雲雪月之景波瀾龍鳳之象隱然可觀雖巧畫者莫臻其妙。

淵明醉賦

廬山記陶淵明所居栗里有大石淵明嘗醉眠其上名曰醉石。

德裕醉踞

唐余錄李德裕於平泉別墅採天下珍木怪石為園池之觀有醒酒石德裕尤所寶惜醉即踞之唐莊宗朝張全義為太師兼四鎮節度有監軍嘗得平泉醒酒石德裕孫延古託全義復求之監軍憤曰自黃巢亂後洛陽園宅無復能守豈獨平泉一石哉全義嘗在賊巢中以為譏已大怒

答殺之

雞鳴

夷堅續志分寧陳南山莊有樵藁石陳夜步月忽聞雞鳴於石上即而視之不見移石於數步外至次宿鳴如故復携石以歸置之月下雞必鳴其子剖視之中有雌雄二雞文采可觀。

鵲噪

夷堅續志宋宮有靈鵲石石中有鵲每天將明聞其噪聲宋南渡得之晉州。

神鉦

述異記洞庭山石樓下有兩石扣之聲響如鉦人呼曰神



鉦

僊鏡

六帖。月林國西南有恢。方數百里。光明澄徹。可鑒人五臟六腑。謂之僊人鏡。其國人有疾。照之。其形遂知。

有女浣衣

郡國志。梁州有女郎山。張魯女浣衣於石上。女便懷孕。生二龍。及女死。將殯。輅車忽騰躍升此山。遂葬焉。

如人攘袂

幽明錄。宜都建平二郡之界。有五六峯。參差互出。上有奇石。如二人像。攘袂相對。俗謂二郡督郵爭界。

昆明刻鯨

西京雜記。漢武帝昆明池。養魚。往往飛去。後刻石為鯨。置水中。魚乃不飛。每雷雨。鯨嘗鳴吼。

廬山飛鴈

潯陽記。廬山頂上有池。中有三石鴈。霜降則飛。狗吠

邵國志。宋武北伐南燕。至吠狗山。夜聞狗吠。明日視之。見石狗焉。

犀沉

蜀郡有水災。太守李冰。乃刻石犀沉之。以厭洪水。

踞之草制

唐書。薛元超。道衡孫也。為中書舍人。中書省有一大盤石。



初道衡為內史侍郎嘗踞而草制超每見石輒泣然流涕  
愛而為銘

白居易集洛陽履道里弘農楊正一遺樂天以盤石方丈  
平滑可以坐臥樂天愛而為之銘

驅海

見日

拋空

獨異記唐中宗為天后廢為廬陵王仰天而嘆因拋一石  
於空心祝之曰我復帝此石不落其石遂為樹枝勾掛

呼曰石丈

石林燕語米芾字元章性好竒知魚為軍初入州解見立

石頗竒喜曰此足以當吾拜遂命取袍笏拜之每呼曰石  
丈遂為言官所彈

號為石賢

封氏見聞記有古墓前石人以肉祭之能愈疾因號為石  
賢士又蜀中記隗叔通夔人也性至孝母每食必須江水  
水深難汲一旦水中石為之出叔通因之以汲今江中有  
石號孝子石

掛帶

揮塵錄政和間靈璧縣貢一巨石高二十餘尺周圍稱是  
舟載至京師毀水門樓以入千夫舁之不動或啟於上云  
此神物也宜夫異之裕陵親灑宸翰仍以金帶一條掛其



上遂即可移。省夫力一半。頃刻至苑中。

作樽

宋音蛙

唐元結集道州東左湖有小石山。山巔有宓石。可以作樽。名宓樽石。又作亭於樽上。

仲庶救護

楊公筆錄金陵有三大石甚古。吳仲庶作守日。夜夢三舉子求哀。且曰。若不垂佑。當為煨燼矣。公甚異之。詰日徧問。莫能原其意。既而視牒。見兵馬司狀申乞燒三石為灰。供修造之用。遂悟。敕寺僧愛護。元祐中毛漸作漕。欲移置廨舍。掘之極深。而石根不斷。乃罷。

虞愿往觀

齊書虞愿為晉平太守。海邊有越王石。嘗隱蔽雲霧。相傳清廉太守乃得見。愿往觀。則清徹無隱蔽。

豫章熟炊

異志豫章有石黃白色。而理疎。以水灌之便熱。安鼎其上。炊足以熟。冷則復灌之。雷煥以問張華。華曰。燃石也。

汶山得鹽

華陽國志汶山有鹽石。煎之得鹽。

五如

五如石在道州城東。唐元結序。洵泉之陽。得恠石焉。左右前後及登石巔皆相似。故名曰五如石。并建五如亭於此。

三品

澤器孝  
二音



上元縣東北同泰寺。即梁武帝捨身處。寺前有醜石四。各高丈餘。陳封石為三品。俗呼為三品石。王安石詩。草沒苔侵棄道周。誤恩三品竟何酬。國亡今日頑無耻。似謂當年不與謀。

似芙蓉

名山志芙蓉渚。有聳石如初生芙蓉。色青白。

名霹靂

磻音津

玄中記。玉門西南有一國。國中有山。石磻數千枚。名為霹靂。歷劫從春雷而磻減。至秋磻盡。

雞冠

長沙縣北江濱石。其形高聳似雞冠。

也。至於軒轅乃以騰霍二山為其副焉。漢武南巡至盛唐山。又以衡山遐遠阻江。乃移嶽神於霍而祭焉。亦承軒轅二山為副之義也。

下踞離宮

六帖。上承宜宿銓德鈞物。下踞離宮攝位大卿。

上有飛泉

荆州記。衡山有三峯極秀。獨一峯名芙蓉者。最為竦傑。非清霽之朝。不可見。峰上有飛泉。如一幅練。分映青林。直注山下。

位列三公

六帖。名備五嶽。位列三公。劉向說苑。五嶽何以視三公。能



大布雲雨焉。能大歛雲雨焉。觸石而出，膚寸而合，不崇朝而雨天下。施德博大，故視三公。

禮自百王

杜甫望嶽詩：南嶽配朱鳥，秩禮自百王。劍吸領地靈，須洞半炎方。邦家用祀典，在德非馨香。巡狩何寂寥，有虞今則亡。

紫蓋

寰宇記：衡山盤繞八百里，有七十二峯，十洞，十五巖，三十八泉，二十五溪，九池，九潭，九井。而峯之最大者五，曰祝融，曰紫蓋，曰芙蓉，曰石廩，曰天柱。惟祝融為最高。

朱陵

南嶽文：衡州南嶽者，朱陵之靈臺，太虛之寶洞，赤帝館，其嶺祝融，字其陽。

九向九背

羅含湘中記：衡山遙望如陣雲，沿湘千里，九向九背，乃不復見。

一開一閉

臧榮緒晉書：劉璘之好遊山澤採藥，至衡山，深入，志返見一澗水，水南有二石困，一開一閉，水深不得過。

聞絃歌聲

湘中記：衡山九疑山，皆有舜廟，太守至官，常遣中曹致敬修祀，如有絃歌之聲。



得金玉書

趙曄吳越春秋禹傷父功不成乃東巡登衡山。血白馬以祭之。仰天而嘯。忽然而臥。夢赤綉文衣男子。自稱蒼水使者。謂曰。欲得我山神書。請齋於黃帝之嶽。禹乃退齋三日。登委宛山。發石。得金簡玉字之書。言治水之要。因刻石於山之高处。

迴鴈

埤雅。鴻鴈南翔。不過衡山。衡山之旁。有迴鴈峯。蓋南地極燠。人罕識雪。故鴈望衡山則止。唐杜荀鶴詩。猿到夜寒啼嶽麓。鴈知春信別衡陽。

拂鳥

吳越春秋。禹按黃帝中經。見聖人所記。在九疑山東南。號曰委宛。承以文玉。覆以磐石。禹齋三日。發石取之。得金簡玉字之書。然後知百川之理。

成字

唐貞觀十七年八月。梁州昌松縣。鴻池谷。有石青質白文。成字八十八。太宗遣使祭之。曰。天有成命。表瑞貞石。文字昭然。歷數惟永。又二十年。陝西有石成字。曰李君王。開元十九年。河南登封縣。石文舊有帝字。新生上字。

山水草木之形

大理府點蒼山出石。白質黑文。有山水草木之形。溫潤如玉。可琢為屏。



人物溪橋之狀

階州北峽中有石。青質黑理。其文有松栢人物溪橋水石。山林樓閣日月之狀。





